



ՄԱՅՐ ԱԹՈՒ ՍՈՒՐԲ ԷԶՄԻԱՇՆԻ
ԿՐՈՆԱԿԱՆ, ՄՇԱԿՈՒԹԱՅԻՆ,
ԼՐԱՏՎԱԿԱՆ ԵՐԿՇԱՐԱԹԱԹԵՐԹ

**Ամենայն Հայոց
Կաթողիկոսի
շնորհակալական
նամակը
Գերմանիայի
Բունդեսբազի
Նախագահին**

Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսը նամակ է հղել Գերմանիայի Դաշնային Հանրապետության Բունդեսբազի նախագահ Նորբերտ Լամերտին եւ իր գնահատանքն ու երախտագիտությունը հայտնել հունիսի 2-ին Բունդեսբազի կողմից Հայոց ցեղասպանությունը ճանաչող բանաձեռի ընդունման կապակցությամբ:

Իր նամակում Նորին Սրբությունը, խիստ արժեւորելով պատմական արդարության վերականգնմանն ի նպաստ Գերմանիայի քաղաքական ու հասարակական գործիչների եւ ողջ ժողովրդի արտահայտած բարի կամքը, մասնավորապես ընդգծել է.

«Հայոց ցեղասպանության ճանաչմանն ու դատապարտմանն ուղղված այս բանաձեռը կարելուք քայլ է ոչ միայն հայ ժողովրդի նկատմամբ 20-րդ դարակյան գործված եղեռնագործության պատմական իրողությունը վերստին փաստելու, այլեւ կանխարգելելու այդօրինակ ոճիրների կրկնությունը պատմության մեջ: Կայացված որոշումը մեծ վկայություն է հրավեր է համայն աշխարհին՝ ընդվզելու երկրագնդի տարբեր անկյուններում մարդկության դեմ գործված հանցանքների առնչությամբ դրսևորվող ժխտողական քաղաքականության դեմ եւ մերժելու այն:

Ի դեմս Ձեզ՝ Մեր օրհնությունն ու գնահատանքն ենք հղում Գերմանիայի Բունդեսբազի անդամներին եւ բարեսեր ողջ ժողովրդին՝ մաղթելով անկտրում կամք եւ նախանձախնդրություն՝ մարդկային համընդհանուր արժեքների եւ իրավունքների պաշտպանության աստվածահաճո առաքելության մեջ»:

31 մայիսի

**ԸՆԴՈՒՆԵԼՈՒԹՅՈՒՆՆԵՐ ՎԵՀԱՐԱՆՈՒՄ
Ամենայն Հայոց Կաթողիկոսն ընդունեց**

Իրանի արդարադատության նախարարին



Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսն ընդունեց Իրանի Իսլամական Հանրապետության արդարադատության նախարար Մուսթաֆա Փուր Մոհամադի գլխավորած պատվիրակությանը:

Ողջունելով նախարարի այցը Հայաստան՝ Վեհափառ Հայրապետը գոհունակություն հայտնեց, որ երկու պետությունների միջեւ գործակցությունը բոլոր ոլորտներում օրեցօր ընդլայնվում է, եւ ՀՀ անկախության տարեգրության մեջ հայ-իրանական հարաբերություններում շոշափելի վերընթաց է նկատվում:

Նորին Սրբությունը գնահատանքով անդրադարձավ Իրանում հայ համայնքի նկատմամբ ցուցաբերվող հոգածու վերաբերմունքին, ինչպես նաեւ՝ հայոց սրբավայրերի ու եկեղեցական կառույցների նկատմամբ դրսևորվող առանձնահատուկ խնամքին:

Իր հերթին Իրանի արդարադատության նախարարն ուրախություն հայտնեց հանդիպման առիթով՝ Նույնպես կարելուքելով միջպետական կապերի զորացումը եւ տարբեր ոլորտներում առկա սերտ գործակցությունը: Անդրադարձ կատարելով ապրիլյան դեպքերին՝ տիար Փուր Մոհամադին

իր մտահոգությունն արտահայտեց՝ վերահաստատելով Իրանի գորակցությունը դարաբաղյան հակամարտության խաղաղ կարգավորման գործընթացին:

Չրույցի ընթացքում Ամենայն Հայոց Կաթողիկոսը եւ Իրանի արդարադատության նախարարը քննարկեցին մարդկության կյանքում ծառացած մարտահրավերները, եւ այդ առումով արժեւորվեց կրոնի դերակատարությունն արդի աշխարհում:

Իր խոսքում նախարարը, փաստելով աշխարհում նկատվող՝ Աստծուց հեռանալու վտանգը եւ ծայրահեղականության ցավալի դրսևորումները, ընդգծեց կրոնների խաղաղ գոյակցության եւ այս ուղղությամբ ջանքերը համատեղելու անհրաժեշտությունը, որպեսզի աղետները դիմագրավվեն մարդկության կյանքում:

Այս առիթով Ամենայն Հայոց Կաթողիկոսը նշեց, որ մարդկային կյանքի խնդիրները, ցավը եւ տառապանքը հուշում են, որ մարդ արարածը դադարել է ապրել Աստծու փառքի համար, շահը եւ ուժը տիրապետող են դարձել այսօր՝ վտանգավոր աստիճանի հասցնելով հոգեւոր-բարոյական արժեքները: Վեհափառ Հայրապետը վստահություն հայտնեց, որ ի հեճուկս այդ կործանարար երեւոյթների՝ բարեսեր մարդիկ իրենց նախանձախնդրությամբ պիտի կարողանան փոխել աշխարհի ընթացքը եւ խոչընդոտել չարի տարածմանը:

Վերջում Նորին Սրբությունը հաստատեց նաեւ, որ երկու ժողովուրդների համերաշխ գոյակցությունն ու ջերմ հարաբերությունները կարող են որպես ցանկալի օրինակ ծառայել ողջ աշխարհին՝ վկայելու, որ կրոնական տարբերությունները պատերազմի պատճառ չեն կարող հանդիսանալ:

Հանդիպմանը խոսվեց նաեւ հոգեւոր կրթական ծրագրերի ու արդարադատության ոլորտում ձեւավորվող գործակցության մասին:

1 հունիսի

Հայրապետական կրթաթոշակին արժանացած երեք ուսանողի

Ամենայն Հայոց Կաթողիկոսն ընդունեց Հայոց Հայրապետի կողմից սահմանված Հայրապետական կրթաթոշակին այս տարի ներկայացված Հայաստանի բուհերի երեք ուսանողի՝ ուղեկցությամբ ՀՀ կրթության եւ գիտության նախարար Լեւոն Մկրտչյանի եւ Մայր Աթոռի քրիստոնեական դաստիարակության կենտրոնի տնօրէն Վարդան Եպս Լավասարյանի:

Ուսման ընթացքում ցուցաբերած բարձր առաջնությունն ու համար կրթաթոշակ շնորհվեց Նարեկ Մկրտչյանին (Երեւանի գեղարվեստի պետական ակադեմիա. 1-ին կուրս), Անահիտ Մամուլյանին (Երեւանի Կոմիտասի անվան պետական կոնսերվատորիա. 2-րդ կուրս) եւ Իրինա Մուրադյանին (Երեւանի Մ. Հրեբացու անվան պետական բժշկական համալսարան. 3-րդ կուրս):

Հանդիպմանը Վարդան Եպիսկոպոսը, ներկայացնելով Հայրապետական կրթաթոշակի արժանացած ուսանողներին, հայցեց Նորին Սրբության օրհնությունը:

Խոսք ասաց նաեւ կրթության եւ գիտության նախարարը: Անդրադառնալով օրվա խորհրդավորությանը եւ կրթության ոլորտում Մայր Աթոռի կողմից ցուցաբերվող հետեւողական աջակցությանը եւ շնորհակալություն հայտնելով Ամենայն Հայոց Հայրապետին՝ պրն Լ. Մկրտչյանը նշեց, որ սա գեղեցիկ առիթ է, որով գնահատվում է երիտասարդների աշխատանքը: Նախարարը, կարելուքելով հանդիպումը Հայոց Հայրապետի հետ, ընդգծեց, որ կրթաթոշակների հանձնումը սոսկ կրթական աջակցություն չէ, այլ ունի հոգեւոր խորհուրդ եւ նշանակություն:

Այնուհետեւ իր հայրապետական օրհնությունը կրթաթոշակակիրներին փոխանցեց Գարեգին Բ Ամենայն Հայոց Կաթողիկոսը: Նորին Սրբությունը մասնավորապես անդրադարձ կատարեց կրթության կարեւորությանը՝ նշելով, որ այն մշտապես բարձր է



գնահատվել ազգային կյանքում: Հայոց Հայրապետն ընդգծեց, որ Հայոց Եկեղեցին մշտապես հետամուտ է եղել ժողովրդի կրթության սրբազան գործին եւ այսօր էլ շարունակում է ամենայն ջանք գործադրել՝ կրթական զանազան ծրագրերի միջոցով նպաստելու ազգային ոգու եւ նկարագրի կերտմանը:

Նախարարի ներկայությունն ուսանողների եւ ողջ կրթական համակարգի համար խրախույս նկատելով՝ Նորին Սրբությունը նշեց, որ միայն կրթական բարձր մակարդակով եւ գիտելիքով է հնարավոր ապահովել եւ զորեղ դարձնել հայրենիքը:

Վերստին շնորհավորելով երիտասարդներին՝ Վեհափառ Հայրապետը վստահություն հայտնեց, որ նրանք պիտի բարեհաջող կերպով ավարտեն իրենց ուսումը եւ հարուստ գիտելիքների շնորհիվ նորանոր բարձունքներ նվաճեն:

Այս կապակցությամբ Վեհափառ Հայրապետն իր գնահատանքը հայտնեց կրթության եւ գիտության նախարարին՝ այն գորակցության համար, որ նախարարության կողմից մշտապես ցուցաբերվում է Մայր Աթոռ Ս. Էջմիածնին: Հայոց Հովվապետը մաղթեց, որ Ամենակալ Աստված արդյունավորի նրա եւ նախարարության պաշտոնեւորության ջանքերը, որպեսզի դարոցն ու բուռը իրապես դառնան ազգային ոգու ու նկարագրի դարբնոցներ եւ ազգին պարգեւեն գիտելիքների հարուստ պաշարով զինված հայորդիներ՝ նախնյաց արժանի զավակներ:

Չրույցի ընթացքում անդրադարձ կատարվեց նաեւ Մայր Աթոռի կողմից իրականացվող կրթական ծրագրերին եւ Ս. Էջմիածնի հովանու ներքո գործող կրթական հաստատությունների արձանագրած հաջողություններին:

Թոնդրական շարժումը եւ նրա ղարազուխներին դասադարձող գեղարվեստական համադասկերը Ռոմ. Շիրազի «Թոնդրակեցիները» դոնմում

Սկիզբը՝ թիվ 5 - 10
Ռոմ. Շիրազի «Թոնդրակեցիները» պոե-
մում կարդում ենք.

Ու մռայլվեց արքան անչափ,
Որ փոշու պես ոտքը չընկան
Թոնդրակեցիք շղթայակապ.
Խոնարիվեցին պահ մի, սակայն
Չհայցեցին գուրն էլ բազկի,
Միայն գլուխ տվին մռայլ՝
Այն էլ՝ ի սեր ... հայոց ազգի:
Ամպեց արքան ու ծանրաքայլ
Գնաց- բազմեց արքաբարձին,
Լռեց համր, ծանր մի պահ.
- Այս է հոտը, ո՛վ գայլապահ,-
Քրթմնաց, ասես վշտի մեջ կորած,-
Այսպե՛ս են հովվել հոտն իմ ոչխարաց,
Է՛ր չես խունկի տեղ վառող շող տալիս,
Որ ցուլի նման ծունկի չես գալիս
Արքայի առջե՛ւ՝ արքայի նման,
Այս սատանաչա ստրուկն էլ, սակայն,
Ծունկի չի գալիս խաչիդ էլ առջե՛ւ:
Ու վեհի աչքին ճաղեր թվացին
Արքայի աչքի թարթիչները սե՛ւ՝
Վանդակի՝ ճաղեր՝ վեհը մեջն ընկած...

(Թ., էջ 48-49)

Բարձրագույն ատյանում միմյանց դեմ բա-
նավիճելով հերքող կամ հաստատող ընդդի-
մադիրների՝ թագավորի, կաթողիկոսի, սպա-
րապետի, Գրիգոր Մագիստրոսի, ինչպես եւ
շղթայված թոնդրակեցիների ու թոնդրակու-
հիների կենդանի կերպարները կերտված են
բանաստեղծական բացառիկ պատկերավոր
խոսքով, սրանց զրույցների ու երկխոսու-
թյունների բնականությամբ ու գեղարվես-
տական համոզությամբ: Դաժան, անգիշում
է նրանց՝ թատերականացված ներկայացում
հիշեցնող երկխոսություն-բանակալիքը, որ
վերածվում է իմացությունների շուռն ու անո-
ղոք մրցավեճի: Ընդ որում՝ բանավիճողները
գիտեն միմյանց ուժեղ եւ թույլ կողմերը: Եվ
լարվածությունը գնալով սաստկանում է, քա-
նի որ համառոտներից ոչ ոք չի պատրաստ-
վում ընդունելու կամ խոստովանելու իր
պարտությունն ու դիմացինի հաղթանակը.
դա կողմերից մեկի համար կնշանակեր հա-
յությանը զրկել պետական եւ հոգեւոր իշխա-
նությունից ու թշնամուն մատնելով՝ կործա-
նել Հայաստանը, մյուսի համար կնշանակեր

դավաճանել օտարերկրյա տերերին, իրենց
խսկ հրահրած ու երկրով մեկ ծավալված ա-
ղանդավորական հզոր շարժմանը, լքել պայ-
քարի դաշտը, ծունկի իջնել թագավորի եւ հո-
գեւոր պետերի առջեւ եւ ընդունել նրանց գե-
րիշխանությունը:

Գործողության զարգացումն ընթանում է
այնպես, որ բանադրություն-դատավարու-
թյան ընթացքում՝ շղթայված թոնդրակեցի-
ները, անգամ նրանց գաղափարական ա-
ռաջնորդը՝ իրեն «նոր Հիսուս» հռչակած, սա-
կայն իրականում «մարդապատյան դէ» Սմ-
բատ Չարեհավանցին, սարսափում են մի-
միայն գործադրվելիք մահվան սպառնալի-
քից եւ միայն այդ դեպքերում են կյանք աղեր-
սում զայրագնած թագավորից, կաթողիկո-
սից ու սպարապետից: (Ի դեպ՝ Սմբատ Չա-
րեհավանցու արտաքինի պատկերման մեջ
է ակնհայտ է հեղինակի խիստ բացասական
վերաբերմունքը նրա նկատմամբ.

Խաչված Հիսուսի պատկերի առջեւ
Կանգնեց ու ծածկեց խաչված Հիսուսին,
Մի աչքը կապույտ, մյուս աչքը սեւ՝
Չարք թվաց ապշալ կաթողիկոսին,
Ու ողջ ատյանին բանադրության
Մի մարդապատյան դէ թվաց, սակայն,
Իր սեւ ու կապույտ աչքով էլ խոսում,
Ճակատագրին էին սպասում:

(Թ., էջ 43)

Մնացած պարագաներում այդ երկդիմի
ճիվաղները հանդուգն են՝ իմաստունի կեց-
վածք ընդունած հերձվածողներ, որ հարմար
պահի կարող էին եւ գործադրել իրենց հա-
գուստների տակ թաքցրած գեները:

3.

Ռոմ. Շիրազի «Թոնդրակեցիները» իրոք
պատմափիլիսոփայական պոեմ է՝ ազգային
ու համամարդկային երանգավորումով: Այն
սկսվում է դրամատիկ մի պահի պատկերու-
մով, երբ պարտադրում են բանտարկված
թոնդրակայան յոթ պարագուխներին ծունկի
գալ բանադրող բարձրագույն ատյանի՝ Ռոմ-
հանես Սմբատ արքայի, Վահրամ Պահլա-
վունի սպարապետի, Հուսիկ Աղավունի կա-
թողիկոսի, Գր. Մագիստրոս Փիլիսոփոսի եւ
ատենադպիր Լ. Լաստիվերցու առջեւ, հրա-
պարակավ ներումն հայցել եւ թողություն
ստանալ: Այլապես նրանց սպառնում էր բա-
նադրում եւ ճակատների շիկացած երկա-

թով աղվեսադրոշմի խարանում: Բայց ան-
դրդվելի են նրանք շղթաների մեջ անգամ,
համառ են իրենց համոզմունքներում եւ ի-
րենց դեմ են շարժում ոչ միայն պետական ու
հոգեւոր առաջնորդների, այլեւ նախապես
նրանց ազատելու խնդրանքով արքային դի-
մող ժողովրդի զայրույթն ու ցասումը:

Չարեհավանցին, Կյուրեղ, Կրվեռ եւ Թո-
րակ թոնդրակեցիները, Կունծիկ արեղան ճգ-
նում են արդարանալ՝ մեջտեղ բերելով սո-
ցիալական ու դավանաբանական, փիլիսո-
փայական համամարդկային խնդիրներ եւ
գործի դնելով իրենց երկսայրի լեզուն ու
ճարտասանական բոլոր հմտությունները:

Իհարկե, նրանց խոսքերում հնչում են
նաեւ որոշակի ճշմարտություններ ռամիկե-
րի հողագրկության, իշխանների անմարդ-
կային դաժանությունների, հոգեւորականնե-
րի ազգահույության, գյուղացիների ունեզրկե-
լու, նրանց հողերը վանքապատկան դարձնե-
լիս թույլ տված ապօրինությունների եւ զա-
նազան շահատակությունների մասին:

Թոնդրակեցիների բոլոր դժգոհությունների
հիմքում ընկած են հողի եւ հավատքի հիմ-
նախնդիրները: Սրանց են ածանցվում մարդ-
կային հարաբերությունները կարգավորող
մյուս խնդիրները, որոնք պարզաբանվում են
բանադրության ընթացքում երկու կողմերի մի-
ջեւ ծավալված բանավեճում: Թոնդրակայաննե-
րը կա՛մ չքմեղանում են, կա՛մ շանում են հիմ-
նավորել իրենց անաստվածությունն ու Եկեղե-
ցու դեմ ատելությունը, մերժում են Հիսուսի
աստվածային լինելը, կրոնը, եկեղեցին ու նրա
ծեսերը՝ Սկրտության ու Պսակի խորհուրդը,
անաստվածության հետ միասին քարոզում են
կանանց համայնացում ու ընտանեկան կապե-
րի փլուզում եւ ազգընդդեմ այլ ծայրահեղու-
թյուններ: Սակայն նրանք թաքցնում էին հայ-
րենիքի, հայոց պետության դեմ իրենց գործած
չարիքները եւ ազգային միասնությունը պա-
ռակտող ոճիրները: Հենց այս բանավեճի միջո-
ցով է խիզախ բանաստեղծն արտահայտում
իր ժխտողական վերաբերմունքը թոնդրակե-
ցիների հակազգային ու հակապետական
գործունեության, նրա կործանարար ազդեցու-
թյան ողբերգական հետեւանքների եւ համակ-
րանքը՝ ճեռքից գնացող երկիրը, պետականու-
թյունը անելանելի վիճակից փրկելու ելքեր ո-
րոնող ողջամիտ պետական-քաղաքական ու
հոգեւոր գործիչների նկատմամբ:



Արքան կարծես «Անի» պոեմի Օհան-
Սմբատը չէ, այլ հեղինակի պատկերաց-
րած հայոց արքայի կատարելատիպը, ո-
րին բանաստեղծը կուզենար տեսնել ի-
րականում: Դեռեւս զաղտնի է Անին հետ-
մահու բյուզանդացիների հանձնելու
նրա իսկ ստորագրած «սեւ թուղթը»՝
հետկարը, նա մտահոգ է պետականու-
թյան հիմքերն ամրապնդելու եւ բոլոր
կողմերից թշնամական շրջափակման մեջ
հայտնված երկիրը փրկելու համար: Բայց
արտաքին թշնամուց ավելի վտանգավոր
են երկրի ներքին ցեցերը՝ թշնամական
ծրագրով գործող, ժողովրդին իրենց քա-
րոզներով ապակողմնորոշող «թոնդրա-
կյան ռաբբիները», ովքեր հայոց պետու-
թյան ու Եկեղեցու դեմ են հանում սոցիա-
լական դժվարություններից հիասթափ-
ված ժողովրդական զանգվածներին՝ հեն-
վելով հոգեւոր եւ աշխարհիկ իշխանու-
թյուններից նրանց բնական ու արդարա-
ցի դժգոհության վրա:

Պետրոս Գետադարձին փոխարինած
Հուսիկ Աղավունի կաթողիկոսը ողբում է
հավատի սյուների խախտման, եկեղեցի-
ների քանդման համար, տազանալում կա-
նանց համայնացման, պերճադիճ դառնա-
լու եւ աթաշակով (սիֆիլիս)՝ այն ժամա-
նակներում անբուժելի սեռական ախտով,
ժողովրդին համաճարակելու վտանգից:
Բանադրող կողմը՝ արքան, կաթողիկոսը,
սպարապետը, Մագիստրոս Փիլիսոփոսը,
անգամ վկաները միասնաբար ու միավոր-
ված խոսում են հայոց պետության եւ Հայ
Եկեղեցու շահերի դիրքերից:

Շարունակությունը՝ էջ 3

Տեղի ունեցավ «Հայաստանում երեխաների այլընտրանքային խնամքի, ընտանիքի աջակցության եւ ներառական կրթական ծառայությունների ընդհանուր գնահատում» խորագրով կլոր սեղան - քննարկում



Դեռեւս 2014 թ. Հայաստանյայց Առաքե-
լական Սբ Եկեղեցու, Հայաստանում ՄԱԿ-
ի մանկական հիմնադրամի (UNICEF) եւ
«ՄԳԱ Կոթըր» ընկերության միջեւ ստո-
րագրվել էր համագործակցության հուշա-
գիր, որի նպատակն էր նպաստել երեխա-
ների իրավունքների պաշտպանության,
մանուկների սոցիալական վիճակի բարե-
լավման ծրագրերի մշակմանն ու իրա-
գործմանը, երեխաներին ուղղված մշակու-
թային, հոգեւոր-բարոյական դաստիարա-

կության, գիտական ու հրատարակչական
ծրագրերի իրականացմանը, երիտասարդ-
ների մասնագիտական կողմնորոշմանը եւ
մասնագիտական կրթության որակի
բարձրացմանը:

Հուշագրով ամրագրված համագործակ-
ցությունն առավել գործնական եւ նպա-
տակային դարձնելու ակնկալիքով՝ Մայր
Աթոռ Սբ Էջմիածնի քրիստոնեական դաս-
տիարակության կենտրոնը (ԵՂԿ), ՄԱԿ-ի
մանկական հիմնադրամի հետ համագոր-

ծակցաբար, հունիսի 10-ին ԵՂԿ-ի երեւա-
նյան գրասենյակում կազմակերպեց «Հա-
յաստանում երեխաների այլընտրանքա-
յին խնամքի, ընտանիքի աջակցության եւ
ներառական կրթական ծառայությունների
ընդհանուր գնահատում» խորագրով կլոր
սեղան - քննարկում՝ ներկայացնելու այդ
ուղորտում կուտակված փորձը եւ քննարկե-
լու համագործակցության հնարավորու-
թյունները:

Քննարկմանը մասնակցում էին ԱԺ
պատգամավորներ, ՀՀ կրթության եւ գի-
տության, աշխատանքի եւ սոցիալական
հարցերի, արդարադատության եւ առող-
ջապահության նախարարությունների, ՀՀ
ոստիկանության, տեղական ինքնակառա-
վարման մարմինների, ինչպես նաեւ տվյալ
ուղորտում աշխատանքներ ծավալող մի-
ջազգային ու հասարակական կազմակեր-

պությունների շուրջ 30 ներկայացուցիչ:
ԵՂԿ-ի եւ ՄԱԿ-ի մանկական հիմնադրա-
մի համագործակցությունը սույն աշխա-
տաժողովի շրջանակներում հիմնականում
դիտարկվեց երեք ուղղությամբ.

ա. աջակցություն ընտանիքներին. աշ-
խատանք՝ խոցելի խմբերի երեխաների
ընտանիքների, ինչպես նաեւ խնամատար
ընտանիքներին հետ,

բ. ֆիզիկական եւ հոգեւոր առողջու-
թյուն. աշխատանք՝ միտված ֆիզիկական
եւ մտավոր խնդիրներ ունեցող երեխանե-
րի հոգեւոր առողջության վերականգն-
մանն ու պահպանմանը,

գ. բռնության դեմ պայքար. աշխա-
տանք՝ ուղղված ընտանիքներում եւ կրթա-
կան հաստատություններում բռնության
հնարավոր երեւույթների կանխարգելմա-
նը, բացահայտմանը եւ բացառմանը:

Նոր նշանակումներ

Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսի
հայրապետական տնօրինությամբ կատարվել են եկեղեցականների նոր նշանակումներ:
Հետում քին. Թարվերդյանը ծառայության է կոչվել Գուգարաց թեմում:

Մայր Աթոռ Ս. Էջմիածնի դիվանատան եկեղեցական ժողովական գրասենյակի
տնօրեն Արսեն քին. Միրզոյանը, ազատվելով Արմավիրի թեմում ստանձնած հովվա-
կան պարտականություններից, հետադարձ շաբաթ եւ կիրակի օրերին կծառայի Մայր
Աթոռի վանորդից տեսչությունում:

Լրատվական կյութերը՝ ՄԱՅՐ ԱԹՈՐ ՍՈՒՐԲ ԷԶՄԻՍՏԻ
ՏԵՐԵԿԱՏՎԱԿԱՆ ՀԱՄԱԿԱՐԳԻ

Մարո ԱՆԱԶԱՆ

ՄԵՐ ԳՅՈՒՂԻ ՈՂԲԵՐԳՈՒԹՅՈՒՆԸ

Սկիզբը՝ թիվ 7-9

Երբ գյուղի բոլոր տղամարդիկ հավաքվեցին Զեթումենց մարագում, զորքի մեծը եւս բաբեր մեկը Զակոբի հետ մարագ մտավ, ապա մեծը մենակ դուրս եկավ մարագից եւ դռանը մի մեծ կողպեք դրեց ու զորքին դռնախնամով՝ ձեռքի մի շարժումով հասկացրեց... Սեւ ասկյարը հրացանի սվիկները դեպի մարագ ուղղեց եւ խտացրեց իր շարքերը:

Կանանց հանգիստ եւ միամիտ հետաքրքրությունը սուգ ու շփվանի, լաց ու կոծի փոխվեց: Շատերը ծնկաչոք, արտասովալի աչքերը դեպի երկինք դարձած՝ Աստծուց փրկություն էին հայցում: Մյուսները բարձրաձայն լալիս ու գլխներին էին խփում: Նրանց լացին միախառնվեցին երեխաների լացն ու ճիչը եւ հրացանի կրակոցները: Այդ ժամ բոլորի հայացքներն ուղղված էին դեպի դարմանանոցը: Մի քանի ասկյարներ բահն ու քլունգը ձեռքներին մարագի կտուրը բարձրացան եւ քանդեցին, մեծացրեցին մարագի երթիկը: Երկու այլ ասկյարներ, նավթի դաբոնները-ամանները ձեռքներին, մոտեցան մեծացրած երդիկին եւ ամբողջ ուժով նավթը շփեցին մարագի ներսը եւ տարբեր կողմերից լուցկիներ վառեցին: Բոցն ու ծուխը միախառնված՝ երկինք բարձրացան: Լսվում էր մարագում եղած տղամարդկանց աղիողորմ լացն ու ճիչը: Զեթարձակ, խելակորույս մայրերն ու քույրերը դեպի մարագը վազեցին, բայց տեղն ու տեղը սվիկահարվեցին եւ բոցերի մեջ շարտվեցին, իրենց հույզերով ու տանջանքներով հարազատներին փարվեցին ու միասին մոխրացան:

Մարագից ելնող բոցն ու ծուխը՝ հրաբխային վիթխարի մի սյուն կազմած, դեպի կապույտ երկինք խոյացավ եւ իր լայնարձակ սեւ ջուղը փռեց Խոռանց գյուղի եւ մոտակա երկու լճերի վրա: Նրանք գյուղի ծանր վիշտը, կոհակներին առած, մեղմ խշշում, վաշ ու վիշ էին ասում: Իսկ սեգ Սիփանը՝ հրեղեն սյունի տաքությունից, իր ձյունակերտ թագը հալեց, ար-

ԻՄ ԿՅՎՆՔԻ ՈՂԲԵՐԳՈՒԹՅՈՒՆԸ

ցունքի առվակներ կազմեց եւ գույգ լճերի կապույտ ջրերին խառնեց:

Սկսվեցին հրացանի համազարկերը, ալան-թալանը, հարս ու աղջիկներին քաշքշելը, դիմադրողներին սպանելը կամ ձիերին կապած անհայտ ուղղությամբ տանելը: Խուճապահար ժողովուրդը սկսեց դես ու դեն վազվզել. ջրհորներում, հացի ամբարներում, աթարի ամբրոզներում թաքնվել եւ հորձանուտ լճի ալիքներին հանձնվել, միայն թե թուրքական բանակի վայրագություններից ազատվի: Իսկ մարագի բոցն ու ծուխը, միախառնված այրվող տղամարդկանց լացին ու հառաչանքին, երկինք հասան: Գյուղում տարածվեց խորոված

ուժով՝ գոմերը մտան, իսկ մեծ մասը, զորքի անգույթ մտրակներին արժանանալով, քշվեց անհայտ ուղղությամբ: Խեղճ անասունները գրկվեցին հարազատ գոմերից, գառներից ու հորթերից եւ իրենց գթասիրտ տերերից:

Ալան ու թալանից հետո սեւ ասկյարը գյուղից հեռացավ:

Կանայք՝ հարս ու աղջիկներ, դուրս եկան իրենց թաքստոցից, կծերն ու դուլերն առած՝ դեպի լիճը վազեցին. ջուր ու ավազ բերեցին եւ վառվող ու միացող մարագի այս ու այն մասերում լցրեցին, կրակը հանգրեցին: Մյուսները բահն ու քլունգը ձեռքներին, արցունքը աչքերին, մղկտացող սրտով ու ապրումներով՝ քանդում էին մարագի փլատակները



մսի եւ խանձված մազերի տհաճ հոտը: Մարագի կտուրը փլվեց: Մարագը լռեց:

ՀԱՐԱՋԱՏՆԵՐԻ ՈՐՈՆՈՒՄԸ

Իրիկնամուտ էր: Նախիրն ու ոչխարների հոտը, Սիփանի հյուսիս կանաչներից ու ծաղիկներից կշտացած, կրծքները ծաղկաբույր կաթով լցրած, ծանրաքայլ, օրոր ու շորոր, առանց հովիվների ուղեկցության, ըստ սովորության, գյուղը մտան:

Զիավոր սեւ ասկյարները հարայ-հրոցով, հո, հըռ գոռոռալով, շրջապատեցին նախիրն ու ոչխարների հոտը: Արտակարգ դրությունից սարսափահար՝ կովերն ու ոչխարները դես ու դեն վազվեցին, ըմբոստացան եւ սովորույթի

եւ տակից հանում ուռած, սեւացած, խանձված ու եփված անճանաչելի դիակները: Հարազատներ կորցրած մայր ու աղջիկները նայում էին խանձված ու սեւացած դիակներին՝ ով լինելը չորոշելով, մղկտալով, քանդում ու նորից քանդում էին մարագի փլատակները:

Մարագի դուռը բարձրացնելիս տակը գտան եղբորս՝ Առաքելին, որի հագուստները դեռ այրվում ու ծխում էին, գլուխը երկու կես էր եղել եւ ուղեղը դուրս թափվել: Մայրս բարձրաձայն ճչաց, օրորվելով դեպի եղբայրս գնաց, գույգ ձեռքերը դեպի երկինքը բարձրացնելով՝ ասաց.

- Արարի՛չ Աստված, ի՞նչ մեղք էինք գործել Զո առաջ, որ մեզ այսպես պատժեցիր, իմ անմեղ որդուն կտոր-կտոր արեցիր, իրին ու սրին արժանացրեցիր:

Ես մորս կողքին նստած լալիս ու կրկնում էի նրա խոսքերը՝ փարվելով նրան:

Մի կին գույգ ձեռքերով վերցրեց եղբորս ուղեղը եւ դրեց ջարդված գանգատուփի մեջ, իր գոգնոցը արձակելով՝ կապեց եղբորս գլուխը: Մյուս կանայք եղբորս մարմինը ազատեցին այրվող հագուստներից, հենց մարագի դռան մոտ մի փոս փորեցին եւ եղբորս դիակը մեջը դրեցին: Մայրս գրկեց նրա թարմ շիրիմը եւ երկար ողբաց, ապա վեր կացավ տեղից, օրորվելով դեպի ծխացող մարագը գնաց ու մի քանի սեւացած ու խանձված դիակներ շուռ ու մուռ տվեց, որ հորս փնտրի, եւ նրան ճանաչելու հույսը կտրած՝ նորից եղբորս գերեզմանին ծնկաչոք նստեց, երկար լացեց ու մորմոքեց ու վշտախորով տուն գնաց:

Մինչեւ ուշ գիշեր քրտնակոխ կանայք քանդեցին մարագի այրվող փլատակները եւ դուրս հանեցին հարյուրավոր անթեւ, անգլուխ, ուռած ու եփված, անճանաչելի դիակներ: Հարազատներին գտնելու եւ ճանաչելու հույսը կորցրած՝ մարագի մեջ դրին անճանաչելի դիակները եւ կառուցեցին ընդհանուր եղբայրական գերեզման, վրան դրին մի քանի փայտյա խաչեր, մոմեր վառեցին, խունկ ծխեցին, ծնկաչոք աղոթեցին ու գլխիկոր գնացին իրենց գալիք վիշտն ու տառապանքները կրելու:

Բզնունյանց ծովը մեղմ խշշում, վաշ-վոհշ էր ասում, իսկ խռովահույզ Սիփանը՝ հայացքը խոժոռած, դարերի բարբարոսության աննման վկան մնաց:

ԳՅՈՒՂԻ ԱՌԱՎՈՏԸ

Լույսը բացվեց: Արեւն իր ոսկեգույն ճառագայթները գցեց մարդախորով եւ վշտախորով գյուղի վրա: Գյուղը խոր լռության եւ սգի մեջ էր: Թոնիրներից էլ ծուխ չէր բարձրանում, ընդմիջտ կտրվեց լավաշ հացի հաճելի բույրը, էլ չէր մայում գառն ու ոչխարների հոտը, ո՛չ նախրչին, ո՛չ էլ նախիրը էլ դուրս չէին գալիս գյուղից, էլ չէր լսվում ձիերի եւ բուռակների հաճելի խրիկները: Գյուղի լռությունը խզեցին մի քաղցած շան աղիո-



ղորմ ոռնոցը եւ ծովի ալիքների մեղմ խշշոցը:

Մեր բակում հավաքվել էին մի քանի կանայք, որոնք իրար վշտակցում ու լալիս էին:

- Ա՛խ, Աստվա՛ծ իմ, շան ոռնոցը չարագուշակ է,- ասաց մի կին: Մյուսը թե՛

- Է՛հ, սրանից դեն ինչ ուզում է, թող լինի, մեռնելն ավելի լավ է, քան վշտախորով, առանց հարազատների, առանց գլխավորի ապրելը:

Մայրս կանանց խմբից անջատվեց եւ մտամոլոր, դեպի մեր տունն ուղղվեց: Փռած անկողինը հավաքեց, ինչ որ ամաններ մի տեղից վերցրեց մի այլ տեղ դրեց, ապա նույն մտամոլորությամբ, արցունքներն աչքերին՝ գոմը մտավ եւ դատարկ գոմի մեջտեղում կանգնած՝ բարձրաձայն լաց եղավ. ո՛չ մի անասուն, ո՛չ մի շուն: Հանկարծ թառի վրա մի հավ կզկչաց, որով ուզում էր ասել, թե մենակ եմ, ընկեր եմ ուզում: Մայրս նույն մտամոլորությամբ, արցունքներն աչքերին՝ գոմից դուրս եկավ եւ գնաց հարեւանի տուն, որտեղ մի քանի կանայք հավաքված խոսում ու վատ-վատ բաներ էին գուշակում:

- Երանի սեւ ասկյարը գար եւ մեզ բոլորիս վառեց. այսպես ապրելով ի՞նչ կլինի մեր երեխաների վերջը. առանց տղամարդու, առանց եզների ո՞նց պիտի վարենք, ո՞նց պիտի ցանենք, ինչպե՞ս կերակրենք մեր եթիմներին,- ասաց կանանցից մեկը:

- Մեռնելն ավելի լավ է, քան եսպես ապրելը,- վրա բերեց մյուսը: Ապա խոր լռություն տիրեց. յուրաքանչյուրն ընկավ իր մտքերի մեջ:

Շարունակելի

Սկիզբը՝ էջ 2

Այս իմաստով նրանք դառնում են յուրօրինակ իդեալականացված գաղափարատիպեր, որոնց կենսական ակունքը որոշակիորեն հեղինակի մտաստեղծումն է: Արքան պաշտպանում է Եկեղեցին ու հավատը, կաթողիկոսը՝ սրա հետ միասին՝ պետությունը, սպարապետը հայոց պետականության ամրապնդման, զորքի ուժեղացման եւ հայոց հողային կորուստները վերադարձնելու տեսլականով է տարված, բջնեցի իշխան Փիլիստիոսը թոնդրակյաներին իր գորաշոկատներով հալածելուց հետո էլ նրանց վտանգավոր քարոզչությունն է մտքի ուժով սնանկացնում եւ բացահայտում նրանց գաղտնաթաքույց հանցանքները:

Մինչդեռ թոնդրակեցիներն ունեին իրենց կարգախոսները՝ Զրիստոսին, Աստծու եւ մարդու միջեւ միջնորդ հոգեւորականներին ծխտելու, Աստվածածնին անարգելու, կանանց համայնացման ու ազատ սիրո քարոզչության ճամարտակումներով: Արքայի պահանջով՝ իշխան Բջնեցին՝ Մագիստրոսն է բազմության առջեւ բացահայտում Չարեհավանցու ձեռքով գրված նոր «տասնաբանյան»՝ աղանդի ուղն ու ծուծը, «մարմապաշտ կոչը, սրբություն եղծող գոչը ոգեսաստ»:

Թոնդրակյան շարժումը եւ նրա դարազրույթներին դասադարձող գեղարվեստական համադասկերը
Նովի. Շիրազի «Թոնդրակեցիները» լույսն է հանում

րից միայն մի քանիսն էլ բավական են խնդրի բուն էությունը հասկանալու համար.

Ա. «Միշտ նույն կնոջ հետ ապրողն է գրաստ: Ինչո՞ւ ողջ կյանքում մնա մեկինը Զագարի արժան գեղանի կինը:

Բ. Կինն ինչքան ազատ՝ այնքան հարազատ, Կինն իր կամքինն է, Ոչ թե վանքինն է: Ողջ համայնքինն են հողն, հացն ու գույքը, Իմ սեփականն է միայն իմ ... մույկը:

Գ. Դրախտ չի տանի մեզ Եկեղեցին, Դրախտ կտանի կինն՝ ամենքիս ձին:

Զ. Կինը՝ գրկողին, հողը՝ հերկողին, Զողը՝ հերկողին, կինը՝ գրկողին:

Թ. Կինն ամենքինն է, քոնն իմն է, ի՞նչ կին, Բավ չէ՞՝ ճորտանա ճոխ կինը մեկին»:

(Թ. էջ 107-110)

Առանց բանավիճող կողմերի իմաստաբանելու եւ ճամարտակելու մանրամասների մեջ խորանալու՝ ասենք, որ բախումն ավելի է սրվում, ու ժողովրդի զայրույթն ավելի սաստկանում է, երբ դատաստանի են բերվում նաեւ շղթայակապ թոնդրակուհիները՝ գեղեցկությամբ մեկը մյուսին գերազանցող ամլացած պերճադիմեր, որոնք իրենց կանացիությամբ շարժում են թե՛ արքայի, թե՛ կաթողիկոսի, թե՛ սպարապետի ներքին անբառ հիացմունքը եւ թե՛ ժողովրդի անթաքույց բարձրաձայն հիացմունքն ու զայրույթը:

«Նոր Զիսուսի»՝ մի աչքը կապույտ, մյուսը՝ սեւ՝ թոնդրակյան առաջնորդի՝ «բոլոր չարիքների հայր» ծերուկ աղվես Սմբատ

Չարեհավանցու հանդեպ շիրազյան վերաբերմունքը նաեւ ամբողջ շարժման բնութագիրն է: Սակայն հեղինակն այդ համազգային ողբերգության գնահատականը հնչեցնում է նաեւ թագավորի, կաթողիկոսի ու սպարապետի չափազանց սուր քաղաքական մեղադրանքներում, Մագիստրոսի՝ ազգային ու համամարդկային փիլիսոփայությամբ հագեցած ելույթներում, որոնցում առավել հստակ է երեւում ինչպես երկրի քաղաքական ծայրահեղ վտանգավոր իրադրության, այնպես էլ թոնդրակյանների հայրենադավ գործունեության իրական պատկերը:

Այս է պատմական բուն ճշմարտությունը Սմբատ Չարեհավանցու, նրա համակիր-գործակիցների ու ողջ թոնդրակյան շարժման մասին:

Շարունակելի

Սամվել ՄՈՒՐԱԴՅԱՆ
Բանասիրական գիտ. դոկտոր, պրոֆեսոր


Ա Ողբն իր բազմազան տեսակներով հայ հին եւ միջնադարյան գրավոր մշակույթի մի կարեւոր բաժինն է կազմում: Ծնունդ առնելով մեր մատենագրության սկզբնավորման շրջանում՝ այն, իբրեւ ժողովրդի կյանքի պատմական եւ գեղարվեստական արտահայտություն, հարատևել է մինչև նոր ժամանակները: Ողբի զարգացումը խորապես պայմանավորված է օտար նվաճողների ելթակա հայ ժողովրդի կյանքի խիստ եղերական ընթացքով, ընթացք, որը հատկանշվում է ամենադաժան կեղեքումներով, ավերումներով ու սպառնություններով, գաղթերով ու գերեզմարումներով:

Ողբի՝ իբրեւ գրական ժանրի մի տեսակի ժանրային նախադրյալները գալիս են ժողովրդական բանավեպերից: Ողբասացությունը նախորդել է գրավոր խոսքին, ապա եւ գոյություն է ունեցել նրան զուգահեռ՝ իբրեւ բանավոր, անգիր ստեղծագործություն՝ անմիջականորեն կապված ժողովրդի առօրյայի եւ կենցաղի հետ: Առաջին ողբերը երեւան են եկել մեծ մասամբ իբրեւ ժողովրդական սգո ծեսի՝ մահերի անհրաժեշտ մաս, թաղման արարողության հետ կազմել են միաձուլյալ ամբողջություն, որի բաղադրիչներն են եղել լացն ու կոծը, խոսքը եւ դրանց համապատասխանող տխուր մեղեդին, շարժումները: Հետագայում թաղման ծեսի ժամանակ կատարվող մահերի ողբը հետզհետեւ ձեռք է բերել իր կատարողներին՝ ողբասաց կանանց, որոնք կոչվել են «եղկականք», «գուսանք ձայնարկուք սեւազգեստ եւ աշխատող կանայք», «բանահիւս կանայք լալկանք»: Այս ողբասաց կանայք ունեցել են նաեւ իրենց պարագլուխը, առաջնորդը, որին կոչել են «եղերամայր», «մայր ողբոց»:

Թաղման ծեսի ժամանակ կատարվող մահերն ողբի դասական նմուշ կարող է համարվել Փառանձեմի ողբը Գնելի սպանության կապակցությամբ. «... եղեւ նա մայր ողբոց: Եւ ձայնարկուքն ամենայն ի ձայն ողբոցն սկսան նուագել՝ գիրսն տրփանացն Տիրիթայ, գակն դնելն, զքութիւնն, զհնարս մահու նիւթել, զսպանումն: Ձայնիքն մրմնջույն ի վերայ սպանելոյն ի մէջ կոծոյն բարբառէին՝ գեղգեղեալ խանդաղատութեամբ: Ի նուաճել իւ-

Նայրենասիրական ողբը

Սովսես Խորենացի, Ներսէս Շնորհալի, Խաչատուր Կեչաւեցի, Սեփանոս Օրբելյան



րեանց ձայնիցն՝ իրեն յայտնեալ հռչակ հարկաներ» («Փաւստոսի Բիւզանդացոյ Պատմութիւն Հայոց», Դ դար., գլ. ԺԵ): Փառանձեմի եղերամայր դառնալու օրինակը ցույց է տալիս, որ հին ժամանակներում ողբասացությունը սգո ծեսի ժամանակ այնքան սովորական է եղել, որ նրան հմուտ են եղել եւ բարձրատոհմիկ, ազնվական կանայք:

Ժողովրդական ողբի նպատակն է եղել անդարձ կորուսյալի գործի, անձի եւ անվան բարձրագոյ փառաբանությունը: Միաժամանակ նպատակ է ունեցել պատկերել այն անսահման ցավն ու կորուստը, որ նրա հեռանալով ապրել են կենդանի հարազատներն ու մերձավորները:

Հայ իրականության մեջ, իր հիմնադրման եւ գոյության վաղ շրջանից սկսած,

Քրիստոնեական եկեղեցին պայքար է մղել հեթանոսական ժամանակներից եկող սգո եւ ողբի սովորության դեմ: Բայց, չնայած ողջ միջնադարի ընթացքում առկա այդ վերաբերմունքին, սգո ծեսը եւ նրա ժամանակ կատարվող ողբը գոյություն են ունեցել, դեռ ավելին՝ անգիր ողբասացությունը հիմք է դարձել գրական ողբի առաջացման եւ զարգացման համար: Դամբանական եւ պատմական ողբերում աչքի առաջ են ունեցել ժողովրդական ողբերգականերին, ձգտել են նմանվել նրանց: Դեպի անգիր բանաստեղծությունը, ժողովրդական ողբի բանարվեստն ունեցած այս ձգտումը պայմանավորված է եղել գեղարվեստական եր-

կը հուզական եւ ներգործուն դարձնելու պահանջով: Այս կապակցությամբ, ինչպես նշում է Պողոս Խաչատրյան իր «Հայ միջնադարյան պատմական ողբեր» գրքում, տեղին է հիշել Գրիգոր Նարեկացուն, որն իր երկի ԻԶ բաժնում մի ընդարձակ հատված ոգեւորվ 15-վանկյա տողերով՝ խոստովանում է, թե հանգստանալով ինքը հետեւել է «լալեաց բանաստեղծութիւն» եղանակողներին: Նա իրեն հանդես է բերում իբրեւ մի եղերամայր, որ գլուխն անցած «ակմբից դասու այնք երախանաց»՝ ողբականերին պատշաճ հեծությամբ եւ «աւաղական ձայնակրութեամբ» պարզում է իր հոգու վշտակրությունը:

Ժողովրդական ողբասացության հետ նույնպիսի աղերս, եւ այն էլ ավելի զորեղ կերպով, նկատելի է Ներսէս Շնորհալու

«Ողբ Եղեսիոյ», Ստեփանոս Օրբելյանի «Ողբ ի Ս. Կաթողիկէն», Գրիգոր Տղայի «Բան ողբերգական վասն առման Երուսաղէմի» քերթվածներում: Սրանցում, որպէս այս երեքին էլ բնորոշ ընդհանուր հատկություն, նվաճված, գերված եւ ավերված քաղաքը հանդես է գալիս դիմառնաբար՝ իբրեւ մի որդեկորույս մայր, մի եղերամայր, որը բացի հարազատներից, զրկված լինելով նաեւ երբեմնի վայելքներից ու ուրախություններից, որբերգու գուսանի պէս ձայնում, պատմում է իր զրկանքների մասին, սգակիցներ է փնտրում, օգնություն հայցում: Նշված ողբերն այդ իմաստով, ասես, ժողովրդական երկարապատում լայլաց երգեր լինեն: Դրանք ընթերցողին սկզբից եւեթ մտովին տեղափոխում են թաղման հանդես, ուր կան եւ եղերամայր, եւ նրան լալկից ձայնարկուներ: Մի այդպիսի կատարյալ եղերամայր-արքայուհի է Ս. Կաթողիկէ տաճարը Օրբելյանի ողբում.

...Մերկ, խայտառակ ի բաթրոնին
Չանձամբ արկեալ գըրութ խաւարին,
Հերքըն ճողեալ որպէս կընտին,
Ստիկըն ցամաք գերդ ըսկընդին,
Չկուրծքըն բախեր քարամբ ուժգին.
Առուք արեանց հչանէին:
Մոխիր կուտեր նըման բըլրին,
Ցաներ ձեռամբն ի գագաթին:
Երամք կանանց ճըչող ջայից
Շուրջանակի զնա պատէին.
Դասք երգողաց կանգնեալ կային,
Չդամբանական փողոս ածէին.

Աւաղական ողբովք լային,
Չգալարափողսըն հընչէին.
Կեսքըն շիւսն մեծ քարշէին,
Կեսքըն գլարսիցըն փետէին:

(Ստեփանոս Օրբելյան, Ողբ ի Ս. Կաթողիկէն, Թիֆլիս, 1885, էջ 25-26: Հետագա մեջբերումներն այս հրատարակությունից են):

Գրական ողբի հյուսվածքում կարելու էր ունեն բանահյուսական ստեղծագործություններին հարազատ այլ առանձնահատկություններ: Որոշ երկերի սկզբում ընդգծվում է ձայնի սաստկությունը, զգացվում է տազնապալի շարժում, անհանգստություն, կարծես թե ողբագրի ականջին է հասնում բարձրական մի ձայն, որը պատմում է վերահաս տխուր մի իրողության մասին: Նման օրինակ է վերելում արդեն հիշատակված Օրբելյանի ողբը:

Շարունակությունը՝ էջ 6

Մանկավարժությունը զարգացման երկար ճանապարհ է անցել. ժամանակի ընթացքում փոփոխվել են ուսուցման եւ դաստիարակության ձեւերը, մեթոդներն ու բովանդակությունը: 19-րդ դարի վերջին արդեն այս գիտությունը բավարար ձեւավորում էր ստացել, սահմանել իր դրույթները, եւ դարաշրջանի ամենաշատ ուսումնասիրվող լինելով՝ այնուհանդերձ ուսումնասիրման կարոտ գիտությունն էր: Այս ամենից, իհարկե, անմասն չէր նաեւ հայկական մանկավարժական միտքը, որի զարգացման գործում լավագույն դրույթների առաջարկման, աշակերտների նպատակալաց ուսուցման, դաստիարակության եւ անհատի ձեւավորման ուսանելի մեթոդների հեղինակ էր բանաստեղծ, արձակագիր, իմաստասեր, հոգեբան, գեղանկարիչ ու մանկավարժ **Ինտրան** (Տիրան Զրաքյան, 1875-1921 թթ.): Նրա գրական գործունեությունը, չնայած կարճատեւ կյանքին, հարուստ էր ու բազմա-

ձայնի է, որ 1895-1915 թթ. Ինտրան ուսուցչությամբ է զբաղվել Կ. Պոլսի եւ գավառական վարժարաններում: Նրա՝ մանկավարժական գործունեության ընթացքում ձեւավորված հայացքներն ու առաջարկությունները լույս են տեսել «Արեւելք» թերթում՝ հոդվածների տեսքով: Դրանք կարծես գրույցներ լինեն. նախ հեղինակը ներկայացնում է ուսումնական որեւէ իրավիճակ, ապա իր կողմից առաջադրվող հարցադրումներով տալիս է դրանց պատասխանները: Ու թեւէ այդ պատասխաններից անցել է մեկ դարից ավելի ժամանակ, սակայն դրանք չեն դադարում լինել արդիական, մանավանդ որ այսօրվա ուսումնական համակարգի խնդիրները, չնայած որ զարգացման երկարատեւ ուղի են անցել, շատ քիչ են տարբերվում այն ժամանակվա խնդիրներից:



Ուշագրավ փաստ է, որ թեւէ նա դասավանդել է լեզուներ (հայերէն, ֆրանսերէն), սակայն նրա առաջ քաշած հարցադրումները վերաբերում են ընդհանուր կրթական համակարգին՝ առանց առարկայական սահմանափակման:

Ինտրայի մանկավարժական հոդվածներն առանձնանում են երկու խորագրով՝ «Նախակրթության սխալները» եւ «Կրթական հարցեր»: Առաջին բաժնում նա առանձնացնում է ժամանակի կրթական համակարգի սխալները, ապա վերհանում այդ սխալների պատճառները, բացահայտում դրանցից ծնվող հետեւանքները եւ

վերջում առաջարկում լուծումներ եւ ապացուցում դրանց արդյունավետությունը:

Ըստ առաջ քաշած խնդիրների՝ նախ եւ առաջ հարկավոր է աշակերտների համար տարանջատել գլխավորը երկրորդականից: Պարտադիր չէ, որ յուրաքանչյուր աշակերտ դասագրքի ողջ պարունակությունն իմանա. բոլորը գիտնական չեն դառնալու: Շատ հավանական է, որ մեկը կդառնա առեւտրական, «... իսկ առուտուրին մէջ չեն կարծեր որ նեղուին, չգիտնալուն համար օրինակի համար, թէ Զոլանտայի ո՛ր քաղաքները ինչ կարտադրեն, կամ քանի հազար բնակիչ ունին» («Արեւելք», 1902, մայիս, թ. 4942):

Ինտրան իր ժամանակի ուսուցման սխալներից է համարում «ցամաք» (ճշգրիտ գիտություններ) առարկաների էլ ավելի ցամաք դասավանդումը: Քանի որ այս առարկաները «յաւիտենապէս անհրապոյր եւ անգույթ» են, ուստի ուսուցիչ պահանջվում է այնպիսի մեթոդների գործածում, ինչը կստիպի աշակերտներին հետաքրքրվել այդ առարկաներով: Հատկապէս մաթեմատիկայի դասերն են ամենաքիչը հետաքրքրում երեխաներին, քանի որ «բացարձակապէս ճիշդ գիտութիւն» է, իսկ աշակերտները, ըստ Ինտրայի, ճշտություն չեն սիրում, այսինքն՝ նրանց գունեղ երեւակայությունը չի կարողանում կաղապարվել հստակ կանոններով. «... իրենց համար ամեն ինչ մօտաւորապէս է»: Եվ գիտնական-մանկավարժ Ինտրան առաջարկում է իր տարբերակը՝ թվաբանությունն ու հարակից ճյուղերն ուսուցանել

հատուկ հոգածությամբ՝ առանց պարտադրանքի: Պետք է թույլ տալ մտածել ինքնուրույն, բայց համակարգված, քանի որ նման առարկաների դասավանդման «գլխաւոր ու յամառ սխալը հոն է, որ տղան ինքնիրեն կը թողուի՝ սովորուած կանոնի մը, օրէնքի մը համեմատ մտածելու խնդրոյ մը վրայ» (տե՛ս նույն տեղում):

Ինտրան կրթական համակարգի հիմնական սխալներից է համարում էքսկուրսիաների եւ բացօթյա նախաճաշերի պակասը՝ հատկապէս ցածր դասարաններում, քանզի նման կերպ փոքրիկներն ավելի շուտ ու ճիշտ կընկալեն աշխարհը: Ուստի նա առաջարկում է դասաժամերի բաշխման մեջ տեղ հատկացնել նաեւ զբոսանքներին՝ կարելու էր նկատելով նաեւ աշակերտների առողջապահական խնդիրները: Սակայն որքան էլ զբոսանքների ու էքսկուրսիաների դերն անժխտելի է, այնուամենայնիվ, դրանք չի կարելի թողնել կեսօրից հետո եւ ոչ էլ վաղ առավոտյան, քանի որ առավոտյան թարմությամբ պետք է ուսուցանել հատկապէս լեզուներ, իսկ զբոսանքները կարելի է թողնել «յետճաշիկին»:

Ուսումնական համակարգի ոչ պակաս կարեւոր խնդիրներից են նաեւ դասագրքերի կազմումն ու դրանց ընտրությունը: Լավագույն կրթության գրավականը լավագույն դասագիրքն է, եւ իր ժամանակի կրթության համակարգի սխալներից է համարում ոչ լիարժեք, տվյալ տարիքային խմբին անհամապատասխան դասագիրքը:

Շարունակությունը՝ էջ 6

ԻՆՏՐԱՆԻ ՄԱՆԿԱՎԱՐԺԱԿԱՆ ՀԱՅԱՅՔՆԵՐԸ

Հայտնի է, որ դարձվածաբանությունը լեզվաբանության համեմատաբար երիտասարդ գիտաճյուղերից է, թեև դարձվածքների մեծ մասը գալիս է դարերի խորքից: Դարձվածքները կայուն, վերափոխանակվող կապակցություններ են, որոնք չեն կազմվում խոսելու պահին, այլ մեջբերվում են որպես պատրաստի կառույցներ, օրինակ՝ *ծուկը գլխից բռնել, սար ու ձոր ընկնել, ավագի վրա տուն շինել, աչքը ծակ, աչքը ջուր կտրած...* Առածները ժողովրդական իմաստություններ են, որոնք ժամանակի ընթացքում խտացել, հղկվել ու բյուրեղացել են: Սրանք են խոսողը մեջբերում է պատրաստի, օրինակ՝ *տաշած քարը գետնին չի մնա, պտղատու ծառին քար գցող շատ կլինի...* Դարձվածքների ու առածների այս հատկանիշներն էլ թերեւս բանասիրական տարբեր վերլուծությունների ու գնահատումների պատճառ են դարձել:

կամ բարդ): Կառուցվածքային այս ընդհանրությունը, ինչպես նաեւ փոխաբերական իմաստով օժտված լինելն իրոք որ առածների ու դարձվածային միավորների նույնացման կամ նմանեցման խնդիր կարող են առաջացնել: Իզուր չէ, որ Խ. Բաղիկյանը, հանգամանորեն քննելով դարձվածային միավորները առածներից ու ասացվածքներից սահմանազատելու հարցը, գրում է. «Այս հարցը եւս դարձվածաբանության դժվար հարցերից է, թերեւս՝ ամենադժվարը: Թեւեւ լեզվաբաններից շատերը դարձվածների ուսումնասիրման սայթաքարը համարում են ԴՄ-ի եւ բառի սահմանազատումը, բայց մեր կարծիքով՝ ավելի դժվար հարց է դարձվածի եւ առածների ու ասացվածքների տարբերակումը» (Խ. Բաղիկյան, Ժամանակակից հայերենի դարձվածային միավորները, Եր., 1986, էջ 83):

Եթե առանձին-առանձին քննենք առածներն ու դարձվածքները, ապա հնա-

ՀԱՎՈՐ ՕՇԱԿԱՆ.

ԳՅՈՒՂԻ

ՀԵՔԻԱԹԵ

Հեփաթ ժնուած
ըլլալու է մարդերէն
հաս առաջ...
3. Օշական

Բանալի բառեր - Հեփաթ, գյուղաշխարհ, հայրենի տուն, տներ, բարքեր, սովորույթներ, ավանդազրույց, իրական կյանք, ազգային ցավ

Օշական արվեստագետի աշխարհընկալումը եւ գեղարվեստական մտածողությունը արտահայտված են նաեւ նրա «Խորհուրդներու մեհեանը» ժողովածուում, որն առաջին անգամ լույս է տեսել 1922 թվականին Կ. Պոլսում: Թեպետ գրվածքների մեծ մասն ունի «Հեփաթ» ենթավերնագիրը կամ պարզապես վերնագրված է «Հեփաթ», այս գործերը, սակայն, անվերապահորեն հեփաթ համարելն այնքան էլ ճիշտ չէ, քանի որ գիտական գրականությունից մեզ հայտնի է, որ հեփաթը ֆանտաստիկ, արկածային, երգիծական բնույթի ստեղծագործություն է, որը չնայած հիմնվում է իրականության վրա, սակայն պատմվում է ոչ որպես իրականություն (տե՛ս Նվարդ Վարդանյան, Հայոց իրապատում հեփաթը, Եր., 2009, էջ 16): Օշականը նույնպես իր «Երբ պատանի եմ», «Երբ ագտիկ եմ», «Հինէն ու նորէն», «Կայսերական յաղթերգություն», «Վկայություններ», «Խորհուրդներու մեհեանը» ժողովածուները համարում է վիպակներ (տե՛ս 3. Օշական, Համապատկեր արեւմտահայ գրականության, հ. 10, 1982, էջ 117) եւ «Խորհուրդներու մեհեանը» ժողովածուն գնահատելիս գրում. «Առանձին եղանակ մը, իրենց մեծ մասին մէջ, հեփաթ մը շատ մօտիկէն յիշեցնող, որ նոյն առեն կը քսուի համբավաւոր արծակ քերթուածին, վտանգելու չափ պատումին հիմնական առաքինութիւնը, թուելով զառաժիլ դէպի արծակ նկարագրումը, բայց մնալով վտանգէն ասդին» (Նույն տեղում, էջ 117): Գրականագետները նույնպես այս ժողովածուին ժանրային տարբեր բնորոշումներ են տալիս: Կիմ Աղաբեկյանն Օշականի «Խորհուրդներու մեհեանը» համարում է հեփաթ-պատմվածքների շարք եւ նշում, որ «հեփաթ» եւ «պատմվածք» բառերն օգտագործվում են թեանկան, ոչ ճշգրիտ իմաստով: Նա կարծում է, որ ներքին բովանդակությամբ եւ գեղարվեստական կատարման առումով պատմվածքների այդ շարքերը կազմում են հատվածայնությամբ գրված վիպական մի ամբողջություն (Կիմ Աղաբեկյան, Հակոբ Օշական, Եր., 2006, էջ 72): Վ. Գաբրիելյանը գրում է, որ հիշյալ երկերը հեռանում են պատմվածքի ժանրից՝ հակվելով դեպի տպավորապաշտ արծակ բանաստեղծության ժանրը (Վազգեն Գաբրիելյան, Սփյուռքահայ գրականություն, Եր., 2008, էջ 56): Ինչեւէ, մեր նպատակը ոչ թե այս ժողովածուի ժանրային խնդիրներին, այլ նրանում առկա ավանդազրույցներին՝ գյուղի հեփաթին անդրադառնալն է:

Ժողովածուն ունի «Մահուան ծաղիկներ» վերնագրված շարք, որի առաջաբանում Օշականը պատմում է իր կյանքի ողբերգական դրվագները, այն տարիները, երբ թուրքական իշխանությունից խույս տալու համար թաքնվում էր նույնիսկ անձանդների տներում եւ մի հնարքով փրկվում:

Ինչպես հեփաթն է ընդհանրապես ժողովրդի մտքի, հոգեկան աշխարհի, երազանքների ու ձգտումների արտահայտություն, այնպես էլ Օշականի «հեփաթները» դարձան գրողի աշխարհայացքի եւ ներաշխարհի արտահայտություն: Հիշելով տարիներ առաջ իրեն եւ «իրպետներուն» հեփաթներ պատմող կույր հորաքրոջը՝ Օշականը «Կաղանդի հեփաթ» երկում գրում է. «Ան հովերուն թեւ կու տար, ամպերուն՝ ձայն ու կրակ» (Յակոբ Օշական, Երկեր, Անթիլիաս-Լիբանան, 1998, էջ 373): Եվ Օշականը պատմում է իր գյուղի հեփաթը՝ թեւ տալով հովերին, ձայն ու կրակ՝ ամպերին: Նա պատմում է «... շատ մը հեփաթներ, որոնք իրական ու անիրական կեանքին մէջտեղը կը ծփան» (Յ. Օշական, Համապատկեր արեւմտահայ գրականության, հ. 10, 1982, էջ 108):



Որպես ընդհանուր երեւոյթ՝ նշենք, որ Օշականի հեփաթները հիմնականում ունեն որոշակի սկիզբ, որը բուն հեփաթին նախորդող հատվածն է: Դրանցում Օշականը խոսում է իր գյուղի որեւէ տեղանվան մասին (Աղուրնակ-Ջար, Իզնիկի լիճ, Աւետում-Աղբիր, Աւագանի անտառ եւ այլն) կամ նկարագրում տարածված որեւէ տուն, ապա հորաքրոջ, ձկնորսի, բարի պառավի կամ «մամերի» բերանով պատմում է դրանց առնչվող ավանդություններ՝ մտքով ետ գնալով դեպի հայրենի Սեփեղ գյուղ:

Օշականի հեփաթները կյանքի եւ մահվան փոխհարաբերության, հավերժական սիրո, մարդկային արժեքների եւ հարաբերությունների, կնոջ անեղծվածի, ազգային ցավի մասին պատմող պատմություններ են՝ փիլիսոփայական հարցադրումներով: Եվ եթե փորձենք թեմատիկ առումով խմբավորել դրանք, ապա կարող ենք առանձնացնել մի քանի խումբ. խոհափիլիսոփայական հեփաթներ, գյուղի տոներ, բարքերի ու սովորույթների մասին պատմող հեփաթներ, հայ ժողովրդի ճակատագիրը քննող հեփաթներ:

Օշականն իր հեփաթներում անդրադարձել է աշխարհատեղծման պատմությանը («Ինչո՞ւ կը մեռնիք»), փորձել գեղարվեստորեն պատկերել այդ ընթացքը: Աստծու եւ սատանայի երկխոսությունների, նրանց խոհերի միջոցով գրողը փորձում է գտնել շատերին հուզող հարցերի պատասխանները. ի՞նչ է կյանքը, ինչո՞ւ են մարդիկ մեռնում, ինչո՞ւ է մարդն իր ունեցածը գնահատում այն կորցնելուց հետո միայն, ո՞րն է մարդ արարածի կոչումը, ինչի՞ համար են ցավն ու տառապանքը, ինչո՞ւ է սերը զուգորդվում մահվան հետ, ո՞րն է ամենաժանր կսկիծը, ի՞նչ է պետք առհասարակ մարդուն եւ այլն: Գտնելով այս հարցերի պատասխանները՝ գրողը պատգամում է ապրել Աստծո պատվիրաններով. «Սիրի՛ր մերձավորիդ այնպես, ինչպես քո անձը»:

Մարդկային բախտի եւ ճակատագրի հարցերը քննելիս («Ինչո՞ւ կը մեռնիք»), «Արեւն ու լուսնկան» Օշականը կարծում է, որ մարդը չի կարող փոխել իր ճակատագիրը, բայց կարող է ազդել նրա վրա: (Իր «Համապատկեր»-ում Օշականը գրում է, որ 1915 թ. Պոլսում, ոստիկաններից գիշեր ու ցերեկ հալածված, կամրջից ուզում էր ցած նետվել, բայց մի անձանոթ ձեռք, որը ճակատագրի ձեռքն էր, կանգնեցնում է նրան:


Թուրք ոստիկանը նրան է մեկնում մի թուրք, որի վրա գրված էր իր անունը, եւ հարցնում, թե ճանաչո՞ւմ է արդյոք այդ մարդուն: Օշականը ձեռքով ցույց է տալիս մի անձանոթի եւ հեռանում կամրջի հակառակ ուղղությամբ: «Ճակատագրի մատն էր, որ կը միջամտէր այսպէս:

Շարունակությունը՝ էջ 8

ԴԱՐՉՎԱԾԱՅԻՆ

ՄԻԱՎՈՐԻ ԵՎ ԱՌԱԾԻ

ՆԱՐԱԲԵՐՈՒԹՅՈՒՆԸ



րավոր է գտնել մի շարք հատկանիշներ, որոնք կարող են տարբերակիչ լինել այս երկու միավորների համար, սակայն մեր կարծիքով՝ հարցը պետք է լուծել այլ մոտեցմամբ:

Որպեսզի համեմատենք եւ նույնացնենք կամ տարբերակենք երկու իրողություն, ապա դրանք պետք է

նույն մակարդակի միավորներ լինեն եւ համեմատվեն միեւնույն չափանիշով: Օրինակ՝ բառը կարելի է համեմատել մեկ այլ բառի, բայց ոչ, ասենք, բարդ ստորադասական նախադասության հետ, որը ոչ թե բառագիտական, այլ շարահյուսական միավոր է: Հետեւաբար դարձվածքներն ու առած-ասացվածքները համեմատելու համար պետք է որոշել, թե դրանք ինչ միավորներ են, եւ որ չափանիշով ենք կատարելու համեմատությունը՝ իմաստային, կառուցվածքային, թե՛ մեկ այլ: Այս մոտեցմամբ հարցը քննելիս պարզ է դառնում հետեւյալը: Ա. Ղանալանյանն իր վերը նշված աշխատության մեջ գրում է. «Առանձնեն ու ասացվածքները պատկանում են ժողովրդական բանահյուսության վիպական ժանրին: Ի տարբերություն նույն վիպական ժանրի մյուս ստեղծագործությունների, որոնց մեջ կյանքի երեւույթներն ու հարաբերությունները պատկերվում են ավելի կամ նվազ ծավալուն սյուժեի միջոցով, առանձնեն ու ասացվածքների մեջ այդ արվում է չափազանց սեղմ բանաձեւ ընդհանրացումներով» (Ա. Ղանալանյան, Առանձնի, Եր., 1960, էջ X): Այսինքն՝ առանձնեն ու ասացվածքները բանահյուսական ժանրի յուրահատուկ ստեղծագործություններ են: Իսկ ի՞նչ միավորներ են դարձվածքները:

Դարձվածքները համարվում են լեզվական միավորներ, թեւեւ դարձվածաբանության տեղի վերաբերյալ կան տարակարծություններ: Լեզվաբանների մի մասը դարձվածաբանությունը քննում է բառագիտության մեջ, իսկ մյուս մասը՝ շարահյուսության: Այստեղ չանդրադառնալով այդ հարցի մանրամասներին, քանի որ դա մեր նպատակը չէ, ուշադրություն հրավիրենք միայն այն հանգամանքին, որ երկու դեպքում էլ դարձվածքները համարվում են լեզվական միավորներ: Ընդհանրապես դարձվածքներն ուսումնասիրվում ու դասակարգվում են լեզվաբանական չափանիշներով, ինչպես օրինակ՝ ըստ բաղադրիչների կապակցվածության աստիճանի, ըստ բաղադրիչների քանակի, ըստ որեւէ խոսքի մասի հարաբերակից լինելու, ըստ ստորոգումային հատկանիշի եւ այլն:

Շարունակությունը՝ էջ 8

Ուսումնասիրողների մի մասն այս երկու միավորները նույնացրել է, մյուս մասը՝ տարբերակել՝ փորձելով գտնել դրանք զանազանող հատկանիշները: Թե՛ դարձվածքները, թե՛ առանձնեն ու ասացվածքները էապես կապված են ժողովրդի մշակույթին, պատմությանը, ավանդույթներին ու սովորույթներին, կենցաղին, բնակության վայրի աշխարհագրական պայմաններին, լեզվամտածողությանը, ուստի դրանց ուսումնասիրությունն այդ ամենի վերաբերյալ հարուստ նյութ է վերհանում:

Դարձվածային միավորներին որոշ չափով նմանվում են նաեւ ասացվածքները, սակայն սրանք ոչ միայն դարձվածքներից, այլեւ հենց առանձններից տարբերվում են մի հատկանիշով: Հայ ժողովրդի առանձնեն ու ասացվածքները հանգամանորեն ուսումնասիրած Ա. Ղանալանյանը իր «Առանձնի» գրքի ներածության մեջ հետեւյալն է գրել. «Բովանդակության, ձեւի ու ծավալի տեսակետից մոտ եւ նման լինելով միմյանց՝ ժողովրդական առանձնեն ու ասացվածքները բնութագրվում տարբեր են իրարից: Մինչդեռ առանձը այլաբանական ստեղծագործություն է, որի բուն միտքը արտահայտված է անուղղակի կերպով, ասացվածքը իրականությունը դրսևորում է ուղղակի ձեւով» (Ա. Ղանալանյան, Առանձնի, Եր., 1960, էջ X): Իսկ դարձվածային միավորներին պարտադիր բնորոշ է վերափոխանակվողությունը, ուստի ոչ փոխաբերական իմաստ ունեցող ասացվածքներն անշուշտ այս հատկանիշով էապես տարբերվում են ոչ միայն առանձներից, այլեւ դարձվածքներից: Սակայն, ինչպես կոտեսենք, կա նաեւ մեկ այլ հանգամանք:

Դարձվածային միավորները դասակարգվում են տարբեր չափանիշներով, որոնցից մեկն էլ դասակարգումն է՝ ըստ ստորոգական հատկանիշի: Ըստ այս հատկանիշի՝ առանձնացվում են անվանողական, այսինքն՝ բառակապակցություն, եւ հարդրակցական, այսինքն՝ նախադասություն դարձվածքներ: Պարզ է, որ առանձների ու դարձվածքների տարբերակման խնդիրը վերաբերում է հաղորդակցական, այսինքն՝ նախադասություն դարձվածքներին, քանի որ առանձներն էլ իրենց կառուցվածքով նախադասություններ են (միակազմ կամ երկկազմ, պարզ

Սկիզբը՝ էջ 4

Շարունակելով իր մտածումներն արտահայտել՝ Ինտրան թվարկում է դպրոցական մի շարք առարկաների ուսուցում, որոնց թերի վիճակը կամ խսկաբարձ կայությունը մտատանջությունների տեղիք են տալիս: Կրթական համակարգի կարելուրագույն խնդիրներից է համարում արվեստին դասաժամեր չհատկացնելը կամ դրա նկատմամբ ոչ պատշաճ վերաբերմունքը: Այսպես, օրինակ, ճարտարագործության ուսուցմանը տեղ չհատկացվելու կամ ճարտարագիտության նկատմամբ ճաշակ չձեռավորվելու պատճառով երեխաներն ունենում են ընդգծված դրական վերաբերմունք դեպի առեւտրական գործունեությունը: Թեեւ Ինտրան այս խնդիրը հիմնականում բացատրում է իր ժամանակի հրամայականով, սակայն, այնուամենայնիվ, մերժում է այդ մոտեցումը: Ճիշտ նույն պատճառով ուշադրությունից դուրս է մնացել երկրագործական գիտելիքների ուսուցումը, իսկ երկրագործությունը «խաղաղության եւ առողջութեան արուեստն է»: Այս ամենի շարքը համարում է երգի ուսուցումը. «Օ՛հ, դեռ որքան վայրենի է այս դասը»,- այսպես է արտահայտվում Ինտրան երգեցողության դասավանդման մասին: Պարտադիր չէ, որ բոլորը լավ ձայն ունենան երգելու համար. աշակերտների պետք է սովորեցնել երգի միջոցով արտահայտել իրենց զգացմունքները: Եթե այս բոլոր առարկաների դասավանդման մասին Ինտրան արտահայտում է իր կարծիքը, ապա կրոնի դասավանդման եւ այս առարկայի նկատմամբ ժամանակակիցների վերաբերմունքը վիրավորում է նրան: Վարժարանների տնօրենները շատ հաճախ հրաժարվում էին այս առարկային դասաժամ հատկացնել. «Իրենք նախ կարհամարիեն այդ դասը՝ ինչպես խոզը մարգարիտը կարհամարիէ»: Մինչդեռ կրոնի ուսուցիչը պետք է որ աշակերտներին «խանդավառող ըլլայ կրօնական եւ բարոյական իրերով», հակառակ դեպքում կտապալվի ամբողջ ուսուցումը:

Ինտրայի մանկավարժական հիմնական հայցներն արտահայտվել են «Կրթական հարցեր. Դասաւանդութեանց մասին ինչ-ինչ խորհրդածութիւններ» խորագրի տակ («Արեւելք», 1902, օգոստոս, թ. 5018): Եթե «Նախակրթութեան սխալները» բաժնում նա անդրադառնում է դպրոցավարության մեջ ընդունված սխալներին եւ փորձում դրանք ուղղելու որոշ ուղիներ մատնան-

շել, ապա այս բաժնում ուշադրությունը սեւեռել է ուսուցման մեթոդների վրա եւ պահանջում է բարեփոխումների ծրագրեր իրականացնել: Այստեղ արծարծված խնդիրներին իր տված լուծումները կարծես լրացնում են «Նախակրթութեան սխալներ»-ին: Ըստ Ինտրայի՝ ուսուցման համակարգում առաջին մերժելի հատկանիշը հարկադրաբար պարտականությունները կատարել տալն է, քանզի հենց պարտադրանքն էլ ծնում է բազում խնդիրներ՝ անհետաքրքրություն առարկայի նկատմամբ, ոչ նստվածքային գիտելիքներ, առաջադիմության անկում: Մինչդեռ այդ ամենից կարելի է խուսափել, եթե ընդունվի գիտելիքները դասաժամին հանձնարարելու, ամրապնդելու եւ արտահայտելու ուղին: Որպես օրինակ այս անգամ բերում է «սրբագրութիւնը»՝ ուղղագրության ուսուցումը: Ի հեճուկս «ցամաք» առարկաների՝ ուղղագրության ճիշտ ուսուցման համար հնարավոր է համարում բազմաթիվ մեթոդների կիրառումը, քանի որ ընդհանրապես լեզուների նպատակասլաց ուսուցման համար մեթոդների ընտրությունը մեծ է՝ բնագիտական առարկաների համեմատ: Նա առաջին հերթին առանձնացնում է գրավոր եւ բանավոր սխալները եւ առաջարկում դրանց ուղղման իր տարբերակները: Ու թեեւ Ինտրան բնական է համարում աշակերտների բազմապիսի սխալները, բայց առաջարկում է դրանց նկատմամբ տարբեր մոտեցումներ ցուցաբերել: Գիտելիքների գրավոր ստուգումներում մեծ է իրարից ընթրիսակելու հավանականությունը, իսկ բանավորի ժամանակ շահում են շուտ անգիր սովորելու ընդունակությունն ունեցող աշակերտները, ովքեր առանց խորամուկի լինելու առաջադրվող հարցերում՝ բերանացի կրկնում են նախորդների պատասխանը կամ ուսուցչի խոսքը: Հետեաբար Ինտրան հայոց լեզվի գիտելիքների ստուգման լավագույն տարբերակ է համարում գրավոր եւ բանավոր խոսքերի տարանջատումը: Սակայն երկուսի դեպքում էլ ուսուցման ամենաարդյունավետ մեթոդը դասաժամին ուղղակի ուսուցանելն է՝ ուսուցչի անմիջական հսկողու-

թյամբ աշակերտներին ստեղծագործելու մղելը, սրբագրական եւ ընդհանրապես մտավոր աշխատանք կատարելը: Իսկ գրավոր խոսքի լիարժեք ուսուցման կարելի է հասնել միայն բանավոր խոսքի կատարյալ տիրապետման դեպքում: Որքան էլ գրավոր աշխատանքում ուսուցիչը «գիծեր քաշէ» սխալների վրա, միեւնույն է, արդյունք չի լինի, եւ սխալը կկրկնվի, եթե բանավոր խոսքում չեն ամրագրում կամ չեն փորձում ուղղել դրանք:

Իր առաջարկած դրույթներով Ինտրան դեռեւս 19-րդ դարի վերջին արծարծում է հարցեր, որոնք մինչ օրս էլ արդիական եւ լուծում պահանջող խնդիրներ են: Խոսքը վերաբերում է հնչյունի եւ տառի գրության անհամապատասխանությանը որոշ բառերի գրության մեջ: Սկսնակ աշակերտի համար չափազանց դժվար է սովորել տառանունները եւ դրանք գործածել ոչ համապատասխան հնչյունի գրության համար. «Երբ տղաք տառերը սորված են իրենց անուններով այբ, բեն, գիմ, դա եւ այլն, բնական կդառնայ, որ բէ ձայնը գրելու համար բ տառը գործածեն, եւ ոչ փ...» (նույն տեղում): Անշուշտ այս հարցն արեւմտահայ գրական լեզվում ավելի լուրջ խնդիր է, քան արեւելահայ լեզվում, եւ մանկավարժ-գիտնականին չէին կարող չանհանգստացնել լեզվական այդ խնդիրները, որոնք, ցավոք, մինչ օրս էլ կարիք ունեն քննության: Շարունակելով նմանօրինակ բառերի ու լեզվական իրողությունների թվարկումը՝ Ինտրան նշում է ուղղագրական բազում սխալներ, որոնք, սակայն, հենց բանավոր խոսքի սխալների արդյունք են, եւ առաջարկում է ուղղագրության ուսուցումն սկսել բանավոր խոսքից՝ ուղղախոսությունից, այսինքն՝ նախ օգնել աշակերտներին ճիշտ խոսել՝ ուղղախոսական կանոններին համապատասխան, եւ ապա անցնել ուղղագրական կանոնների ուսուցմանը: Իր ժամանակի համար Ինտրայի այս մոտեցումը նորարարություն էր հայ մանկավարժության համար: Բանավոր սխալ խոսքի ուսուցման արդյունքում ձեւավորված գրավոր թույլ խոսքը մինչ օրս էլ մեր ուսուցման համա-



կարգի խոցելի խնդիրներից մեկն է: Այս ամենի լուծման տարբերակներից Ինտրան նախընտրում է մեկը. «Մեծ տրամագիծով սրատեսութիւն մը եւ կեդրոնացուցիչ, խտացուցիչ եւ լուսաւորող յուրայատկութիւն մը» ունեցող ուսուցիչ, ով «անընդհատ պետք է ժամանակին հասնի, սխալը դեռ չգոյացած, չեզրակացուած, չօրինացած. կարելի է ըսել թէ իր անողները պետք է ամլացնեն՝ ուտիչ, այլափոխիչ մանրէներու հարձակումէն» (նույն տեղում):

Ինտրայի առաջարկած բազում բարեփոխումների շարքում, սակայն, միայն հայոց լեզվի ուսուցման սխալները չէին, այլեւ՝ օտար լեզուների: Իր մանկավարժական գործունեության ընթացքում հանդիպած ուսուցման համակարգի բոլոր խնդիրներին նա անդրադարձել է իբրեւ մանկավարժ-գիտնական եւ ամենայն հոգածությամբ փորձել է ուղիներ գտնել՝ հայկական կրթական համակարգի բարելավման եւ լավագույն դպրոց ունենալու երազանքով:

Լիլիթ ՉԱԿՈԲՅԱՆ

Նայրենասիրական ողբը

Սկիզբը՝ էջ 4

Կարելուր դեր ունեն նաեւ անեծքը եւ բնությունն իբրեւ զգացող, մարդկային վիճակն ըմբռնող Էակ անձնավորելու գեղարվեստական պատկերավորման եղանակները, որոնք դարձյալ ծագում են ժողովրդականից: Անեծքը գործը միջոց է եղել մերկացնելու, դատապարտելու եւ դատաստան կարգալու մահառիթմ ուժերին: Անեծքին իր ողբում մեծ տեղ է հատկացրել Ներսես Շնորհալիւն: Բերենք մի օրինակ.

... Արդ եղիցիս դու հալածեալ,
որպէս փռչի հողմով հոսեալ.
Ի հրեշտակէն Տեառըն նեղեալ,
իբրեւ զդէս անհետ եղեալ.
Եւ ճանապարհ քո խաւարեալ,
յաջ եւ յահեակ զքեւ պաշտպանեալ.
Արագապէս փոյթ ժամանեալ,
քեզ որոգայթ անգիտացեալ.
Որսըն գոր ինձ գաղտ թաքուցեալ,
առջէ զուրիսքող խորտակեալ,
Ի գուր խորին ապականեալ,
իջցես դու անդրը կորուսեալ.
Իբր գ'հաղան գետին կըլեալ,
Կորիս 'ւ Աբիրոն յերկրէ ծածկեալ,
Քանզի քեզ այն բաժին հասեալ,
արիւնահեղ նենգով լցեալ.
Սրով արեւդ պակասեալ,
Լիցի տանեալ խոր ցամաքեալ:

(Ներսես Շնորհալի, Ողբ Եդեսիոյ, Եր., 1973, էջ 90-91: Հետագա մեջբերումներն այս հրատարակությունից են):



Սակայն որքան էլ ժողովրդական սգոծեսը եւ նրա անհրաժեշտ մասը՝ բանավոր ողբը, նշանակություն են ունեցել գրական ողբի առաջացման ու զարգացման խնդրում, այնուամենայնիվ, վերջինս անհատական ստեղծագործություն է եւ, որոշակի կողմերով ու բաղադրիչներով նմանվելով ու առնչվելով հանդերձ, տարբերվում է նրանից թե՛ նյութի նկատմամբ իր հայացքով եւ թե՛ պատ-

կերվող իրականության ընդգրկման ավելի լայն սահմաններով: Եթե ժողովրդական ողբը թաղման ծեսից անջատ պատկերացնել հնարավոր չէ, ապա գրական ողբը ոչ մի կապ չունի սգո արարողության հետ: Ողբերգության թեման չի սահմանափակվում սոսկ վախճանվածի հիշատակի եղերգումով, քանի որ դա նրա ընդարձակ թեմատիկայի միայն մի նեղ բնագավառն է: Նրան զբա-

ղեցնում են ոչ միայն այդ, այլեւ ուրիշ իրողություններ, ուրիշ երեւոյթներ, որոնք ողբերգական բնույթ ունեն: Ողբի նյութ կարող են լինել ոչ միայն եկեղեցական, քաղաքական կամ մշակութային ականավոր դեմքերի կորուստները, այլեւ մի ժողովրդի ազգային-քաղաքական կյանքում տեղի ունեցած արշավանքները, ասպատակությունները, կոտորածները, երկրին ու ժողովրդին դրանց պատճառով հասած դառնություններն ու դժբախտությունները, գերությունները եւ այլն: Այս դեպքում տխրական դեպքը դուրս է բերվում տեղային նեղ ոլորտից եւ դիտվում իբրեւ ընդհանուր ժողովրդյան, ողջ երկրի համար կարելուրություն ներկայացնող փաստ: Ողբագրի խոսքը հասցեագրվում է համայն մարդկությանը, ընթերցողներին:

Կարելի է ողբասացությունը, ըստ Պողոս Խաչատրյանի, բաժանել թեմատիկ հինգ մեծ խմբի: Դրանք են՝ 1) անձնական-քնարական, որի մեջ մտնում են այն բոլոր ողբերը, որոնցում արտահայտված է միջնադարյան անձուկ պայմաններում անհատի հոգեվիճակը (Գրիգոր Նարեկացի, Մատեան ողբերգութեան), 2) դամբանական, 3) գերեզմանական, 4) բնական աղետների առթիվ ստեղծված ողբեր եւ, վերջապես, 5) պատմական:

Սրանց առաջատար տեսակը, հիրավի, պատմական թեմայով ողբն է:

Շարունակելի

Վարդան ԵՐԿԱԶՄԱՆՅԱՆ
Բանասիրական գիտ. թեկնածու, դոցենտ

ԳՐԻԳՈՐ ԱՐԾՐՈՒՆՈՒ ՀՈՒՇԱԳՐԱԿԱՆ ԺԱՌԱՆԳՈՒԹՅՈՒՆԸ

Ավանդաբար հուշագրությունը, մեմուարային գրականությունը, պամֆլետն ու ֆելիետոնը, ինչպես նաեւ ակնարկը՝ իր բազում տարատեսակներով, համարվում են ակնարկային գրականություն: Սակայն հիշատակված ժանրերից յուրաքանչյուրը պատմական զարգացման ուրույն ուղի է անցել՝ որպես կանոն ընդլայնելով ժանրի սահմանները: Հուշագրությունը վավերագրական ժանրի տարատեսակներից է, որի արմատները հեռավոր անցյալում են: Դեռ հնագույն ժամանակներում եղել են զանազան հուշարձանային մակագրություններ, պատմական գրանցումներ, «որոնք նպատակ ունեին ամրացնել, սերունդներին հասցնել մարդկանց հիշողությունը իրենց մասին, այս կամ այն նշանավոր դեպքի մասին» (տե՛ս *Գրական ժանրեր. պատմական զարգացումը եւ ժամանակակից վիճակը*, **Հասմիկ Մարգունի**, Եր., 1973, էջ 473-474):

Այսպիսի ընդհանուր բնորոշումը պայմանավորված է նրանով, որ անտիկ շրջանում հիմնականում զարգանում էին (երբ պատմագրությունը վերածվել էր արդեն առանձին ճյուղի) հուշագրության առաջին նմուշները (կենսագրություններ, նամակագրություններ, պատմություններ): Ավելին՝ վաղ շրջանի գրեթե բոլոր ստեղծագործողների երկերում «անձնական հիշողությունների» որպես պատմական վկայությունների, օգտագործումը դառնում է տարածված երեւոյթ (Զենոֆոն, Կեսար, Եղիշե, Մ. Խորենացի, Ղ. Փարպեցի)» (տե՛ս *տեղում*, էջ 474): Հասկանալի է, որ այդ երկերում գերակշռում էր ճանաչողական, ինֆորմացիոն տարրը, սակայն նկատելի էին նաեւ գեղարվեստական-գեղագիտական որոշակի միտումներ, որոնք աստիճանաբար դուրս էին մղում դեպքերի պարզագույն շարադրանքը, տարեգրությունը: Հուշագրական բոլոր տիպի ստեղծագործություններն ընթերցողի համար հետաքրքիր են ոչ միայն տվյալ հեղինակի անձնական ապրումների, մանրամասների տեսանկյունից, այլ՝ էլ (երբեմն՝ հենց առաջին հերթին) ժամանակի առանձին իրադարձությունների, նշանավոր դեպքերի եւ անձանց մասին պարունակած իրենց ինֆորմացիայով: Այս հանգամանքն է նկատի ունեցել Գերցենը, երբ, գնահատելով Բ. Չելլինիի մեմուարները, գրում է. «Բ. Չելլինիի մեմուարները հետաքրքիր են ոչ թե նրա համար, որ նա խոշոր արվեստագետ էր, այլ նրա համար, որ նա շոշափում է վերին աստիճանի հետաքրքիր հարցեր» (*Ա. Մ. Գերցեն*, Собрание соч., т. 8, М., 1956, стр. 205):

Համաշխարհային եւ հայ գրականության բազում օրինակներից պարզ է դառնում



(Գյոթե, Հայնե, Գերցեն, Տոլստոյ, Դոստոևսկի, Ադայան, Պռոշյան, Շիրվանզադե, Օտյան), որ այս ժանրի ստեղծագործությունները դառնում են ժամանակաշրջանի իրական հայելին՝ տարբեր չափերի հասնող մանրամասներով ներկայացնելով դարաշրջանը եւ ժամանակակիցներին: Իհարկե, ասվածից չպետք է եզրակացնել, թե հուշագրություններում բացակայում են անձնական հոգեկան դրաման, շարադրանքի քնարականությունը:

Հայ գրականության մեջ նույնպես հուշագրության ժանրը անցել է պատմական զարգացման ուրույն ուղի՝ տարանջատվելով պատմագրությունից: Կ. Դանիելյանն իր «Հայ մեմուարային գրականության պատմությունից» (Եր., 1961) գրքում իրավացիորեն նկատում է, որ այս ժանրը արդեն 19-րդ դարում տալիս է իր դասական նմուշները:

Մեր գրականության մեջ երեւացին հուշագրության տարբեր տեսակները, որոնցից ամենապարզ օրագիրն է, եւ որի առաջին նմուշը տալիս է Խ. Աբովյանը («Դորպատյան օրագրեր»): Այստեղ անձնական կյանքի փաստերի գրանցումը, մարդկանց հետ հանդիպումների մասին պատմությունները դառնում են գեղարվեստական գործ, քանի որ հեղինակը, օժտված գեղարվեստական ձիրքով, կարողանում է այդ բոլորին հաղորդել հուզականություն, հոգեկան դրամատիզմ եւ ռոմանտիկ պաթոս: Հետագայում Ղ. Ադայանը («Իմ կյանքի գլխավոր դեպքերը»), Պ. Պռոշյանը («Հուշիկները»), Շիրվանզադեն շարունակեցին հայ մեմուարային գրականության ուղին՝ իրենց հուշագրական երկերում տալով նաեւ ժամանակի հայ-

կական հանրային ու գրական կյանքի ամբողջական պատկերը, շարունակեցին հայ մեմուարական գրականության ուղին: Ավելի ուշ Հ. Թումանյանը, Ա. Իսահակյանը, Ս. Չորյանը իրենց բազում հուշերում ընդլայնեցին ժանրի սահմանները՝ դառնալով Ե՛ւ իբրեւ ականատես-վկա, Ե՛ւ նուրբ վերլուծաբան, Ե՛ւ կողմնակի «աչք», Ե՛ւ գրող-արվեստագետ:



Ասվածից կարելի է գալ այն համոզման, որ բոլոր դեպքերում, իսկապես տարանջատվելով պատմագրությունից, հուշագրությունը պատմական զարգացման ողջ ընթացքում հենված է փաստի վրա՝ պահպանելով նաեւ իր ինֆորմացիոն-ճանաչողական նշանակությունը: Նորից պիտի նկատենք, որ անցած դեպքերի ու դեմքերի հետ կապված մանրամասների վերարտադրումը կազմում է հուշագրության հիմնական գործառնությունը, քանի որ այս դեպքում հեղինակի «երեւակայությունը» էական եւ նպաստող դեր չի կատարում. «Վերստեղծված կերպարներում եւ հարաբերություններում եթե նույնիսկ հանդես է գալիս երեւակայությունը, ապա այն չի կազմում հուշագրության որոշիչ գիծը: Տիպական սերտորեն կապվում է ստույգի հետ» (*Գրական ժանրեր. պատմական զարգացումը եւ ժամանակակից վիճակը*, **Հասմիկ Մարգունի**,

Եր., 1973, էջ 493): Եվ, չնայած սրան, քանի որ հուշագրության մեջ պատումը տարվում է հեղինակի անունից, եւ սյուժետային զարգացումը պայմանավորված է ոչ թե գեղարվեստական պայմանականությունների տրամաբանությամբ, այլ ինքնակենսագրական, ժամանակագրական փաստերի հաջորդականությամբ, ապա հուշագրությունների բովանդակային եւ իմաստային հագեցվածությունը պայմանավորված է հիմնականում հեղինակի անձնավորությունից, գեղարվեստական պատկեր ստեղծելու կարողությունից, ինչպես նաեւ նշանակալի փաստ ներկայացնելու հանգամանքից: Սա էլ իր հերթին նշանակում է, որ ներկայացվող, վերարտադրվող իրադարձությունների, պատկերների վրա անխուսափելիորեն դրվում է հեղինակի անհատական կնիքը՝ առանձին դեպքերում դրանց հաղորդելով նաեւ սուբյեկտիվություն: Ստացվում է, որ հուշագրությունը գրականության համար արժեքավոր է դառնում միայն այն դեպքում, երբ հեղինակը՝ գրողը, նուրբ գագցողությամբ ընտրում է այն մանրամասները, որոնք հասարակական լայն լսարանի համար կարեւորություն են ներկայացնում՝ անգամ, եթե դրանք ներկայացվում են անձնական տպավորությունների, ապրումների հիման վրա:

Հուշագրության ժանրային առանձնահատկություններից է եւ այն, որ այլ ժանրի երկերի նման

«Մշակի» էջերում բարձրաձայնած ամեն մի խնդրի վերաբերյալ Արծրունին աշխատում է օտարների օրինակները փոխանցել ընթերցողին՝ այդ կերպ ներկայացնելով նաեւ խնդրի՝ իր համար ցանկալի լուծումը:

Բավականին պատկառելի է Արծրունու հուշագրական ժառանգությունը՝ «Մի տարի Շվեյցարիայում» (1886), «Փարիզ» (1889), «Տպավորություններ» (1889), «Վենեցիա» (1890), «Երեւանյան նահանգում» (1890): Այս երկերի մեջ իր Ե՛ւ ծավալով, Ե՛ւ առաջ քաշած խնդիրների բազմազանությամբ առանձնանում է «Մի տարի Շվեյցարիայում» հուշագրությունը, որը «Մշակում» լույս տեսավ 1886 թ. հունվարի 5-ից մինչեւ դեկտեմբերի 23-ը (հ. 2-ից հ. 145):

Իրականում Արծրունին Շվեյցարիայում մեկ տարի անցկացրել էր 1884-1885 թվականներին, երբ ֆինանսական խնդիրների (Արծրունու եղբայրների ունեցած պարտքը) պատճառով Թիֆլիսում վաճառվում են Արծրունու եղբայրների պապական շինություններն ու հողերը: Ապարդյուն են անցնում նաեւ Հ. Առաքելյանի ու Աբել Ապրեսյանցի՝ հայ հասարակությունից Արծրունու համար օժանդակություն ստանալու (աճուրդի դրված շինությունները հետ վերցնելու) ջանքերը: Ֆինանսական խնդիրներն ազդում են նաեւ «Մշակի» իրատարակության վրա. 1884 թ. մարտի 7-ից թերթը լույս է տես-

նում միայն շաբաթը երկու անգամ, իսկ հուլիսի 11-ին Արծրունին «Իմ բացատրությունս» առաջնորդողում ներկայացնում է իր նյութական վիճակը եւ երկու ամսով դադարեցնում թերթի իրատարակությունը: Ինչպես Արծրունու հավատարիմ կենսագիր Լեոն է նշել, նա բազում հոգսերի ու մտածմունքների մեջ քայքայել էր առողջությունը եւ Շվեյցարիա էր մեկնել հանգստանալու նպատակով. «Մշակը» նա տվեց Բաֆֆին, Գաբրիել Միրզոյանին եւ Ներսես Աբելյանին այն պայմանով, որ տարեկան 1000 ռուբլի ստանար: Այդ գումարով էլ նա հույս ուներ ապրել Շվեյցարիայում» (*Լեո*, Երկերի ժողովածու, հ. 6, Եր., 1987, էջ 667): Կյանքի հենց այս շրջանն է ընկած քննվող հուշագրության հիմքում:

Շարունակելի

Արշալույս ԳՆԱՍՏԱՆ
Բանասիրական գիտ.
թեկնածու, դոցենտ

ՀԱԿՈՐ ՕՏԱԿԱՆ. ԳՅՈՒՂԻ ՀԵՔԻԱԹԸ

Սկիզբը՝ էջ 5

Անիկա յստակ կը կարդայ այդ մատի ցուցմունքը: Պարտաւոր էր ազատել իր գլուխը եւ ոչ թէ ջուրին յանձնել զայն» (3. Օշական, Յամապատկեր արեւմտահայ գրականութեան, հ. 10, 1982, էջ 118-ի տողատակ): Գրողը հակադրվում է այն տեսակետին, որ վրա հասած բոլոր դժբախտությունները պայմանավորված են մարդու ճակատագրով: Նա կարծում է, որ բոլոր աղետները ճակատագրի անուկից գործում են մարդիկ. «Կ'ըսեն, թէ ճակատագիրը երբեմն աչքերը կը բանայ իր ահաւոր քունէն ու փայլակի մը մէջ կ'աշխատի դարմանել աղետները, որոնք իր անունով, իր կամքով, բայց առանց իր գիտնալուն գործուեցան

րը, գերեզմանին խորը իրենց մոխիրին մէջ ալ պիտի շարունակէին տառապիլ ու ողբալ» (էջ 350):

Օշականը, ինչպէս ուրիշ շատ գրողներ, փորձել է հասկանալ կնոջ հոգու անհատակ խորությունը, բացահայտել նրա առեղծվածը: Նա կատարում է հռետորական մի քանի հարցադրումներ, որոնց նպատակը ոչ թէ պատասխան ստանալն էր, այլ դրանց միջոցով կին-առեղծվածի էության մեկնաբանումը. «Ինչո՞ւ անոնց աչքերը աւելի շուտ ու շատ կը խօսին, քան անոնց սիրտերը», «Ինչո՞ւ, ինչո՞ւ անոնք միշտ մետաղը (ոսկի - Մ. Ղ.) փնտռեցին», «Ինչո՞ւ անոնք վախցան հոգիին մերկութենէն ու խենթի պէս, խենթի պէս փնտռեցին պաշտպանութիւնը բեհեզին» (էջ




մարդերուն մէջ» (Յակոբ Օշական, Երկեր, Անթիլիաս-Լիբանան, 1998, էջ 402): Հավերժական սիրո թեման հայ եւ համաշխարհային շատ գրողների հոյակապ ստեղծագործությունների նյութ է դարձել: Հիշենք Հովհ. Թումանյանի «Անուշ» պոեմը, երբ սիրահար գույզը մահից հետո ծուլվում է բնությանը, վերածնվում մի այլ ձեւի մէջ՝ երկնականմարում իրար միացող աստղերի գույգի: Նույն գաղափարն են արտահայտում Ավ. Իսահակյանի «Հավերժական սերը» բալլադը, Վ. Դյուգոյի «Փարիզի Աստվածամոր տաճարը» վեպը եւ այլ ստեղծագործություններ: Այս թեմային անդրադարձել է նաեւ Օշականը («Աղուընակ-քարը»)՝ ընդգծելով հատկապէս սիրո տված ցավի մեծությունը. «Այնքան իրար ամուր փակած սիրողներ-

393): Այնինչ՝ երիտասարդ աղջնակի սիրտը անտես աղավաղում նման պիտի թեւածի երկնքի լազուրներում, սիրած էակի հոգու մէջ պետք է մնա ինչպէս առավոտվա ցողը, ինչպէս թեթեւ շնչից խուսափող վայրի վարդը: Կնոջ մեծագույն առաքելությունը պետք է լինի զավակներ լույս աշխարհի բերելը, կյանք պարգեւելը, որովհետեւ զավակները մարդու կյանքում տվեցյան ու գիշերային լուսատուներ են՝ արեւ ու լուսին: Օշականը փորձում է պարզել նաեւ մոր ու զավակի միջեւ եղած անբացատրելի ու գերբնական կապը, փորձում է գտնել այն անտեսանելի թելերը, որոնք, չնայած բազում անջրպետների, միանում են իրար («Արեւն ու լուսնական»):

Շարունակելի
Մարինե ՂԱԶԱՐՅԱՆ

ԴՐՉՎԱԾՄՅԻՆ ՄԻՎՎՈՐԻ ԵՎ...



Սկիզբը՝ էջ 5

Մինչդեռ առածներն ու ասացվածքները՝ որպէս բանահյուսական ժանրի ստեղծագործություններ, բոլորովին այլ մոտեցումներով են ուսումնասիրվում: Այսինքն՝ առածներն ու ասացվածքները բանահյուսական ժանրի ստեղծագործություններ են, իսկ դարձվածքները՝ լեզվական միավորներ: Հետեւաբար, մեր կարծիքով, ընդունելի չէ համեմատել բանահյուսական ժանրի ստեղծագործություններն ու լեզվական միավորները, ինչպէս, ասենք, չեն համեմատվում հեքիաթն ու բարդ ստորադասական նախադասությունը: Նման համեմատության եւ զուգահեռներ անցկացնելու հիմք է դարձել այն, որ դարձածների մի մասը, այսինքն՝ հաղորդակցական դարձվածքները առածների նման արտահայտվում են մեկ նախադասությամբ եւ ունեն վերափոխման հատկանիշ, սակայն դրանք, ինչպէս ասվեց, համեմատելի չեն: Պարզապէս առածները՝ որպէս բանահյուսական ստեղծագործություններ, կարող են արտահայտվել դարձվածքներով, այսինքն՝ լեզվական միավորներով, ինչպէս, ասենք, քայքայել կարող է արտահայտված լինել մեկ բարդ նախադասությամբ: Եթէ մի փոքր ընդլայնենք շրջանակը՝ ցույց տալու համար այս իրողությունը, ապա կարող ենք այլ օրինակներ բերել: Օրինակ՝ *անտուն* բառը բառակազմական բաղադրիչների բաժանելու դեպքում կառանձանան *ան-* նախածանցը եւ *տուն*- արմատը: Միեւնույն բառը վանկերի կազմակերպման հետեւյալ ձեւով՝ *ան-տուն*: Այս բառի առաջին վանկն է *ան-*, իսկ երկրորդը՝ *տուն*: Այսինքն՝ երկու դեպքում էլ առանձնացան *ան* եւ *տուն* բաղադրիչները, սակայն մի դեպքում դրանք նախածանց եւ արմատ են, մյուս դեպքում՝ վանկեր, քանի որ ուսումնասիրման եւ հետեւաբար նաեւ վերլուծության տեսանկյուններն են տարբեր: Եթէ ասվածն ավելի կոնկրետ ներկայացնենք վերը բերվածի առնչությամբ եւ մեկ այլ համեմատություն կատարենք, ապա կարող ենք ասել, որ միեւնույն իրողությունը մի դեպքում անվանում ենք քայքայ, երբ ուսումնասիրում ենք գրականագիտական մոտեցմամբ, իսկ մյուս դեպքում՝ բարդ նախադասություն, երբ լեզվաբանական մոտեցմամբ ենք ուսումնասիրում: Հիշենք, օրինակ, Հովհաննէս Թումանյանի հայտնի քայքայներից մեկը (բերվում է հեղինակի կետադրությամբ).

Աշնան ամպին ու զամպին,
Մոլոր նստած իր ճըմբին,
Լոռու հանդում՝ մի արտուտ
Նայում է միշտ իմ ճամփին:

Այս քայքայն արտահայտված է մեկ նախադասությամբ, այսինքն՝ շարահյուսական առումով բերվածը մեկ պարզ ընդարձակ նախադասություն է՝ կազմված գլխավոր ու երկրորդական անդամներից: Մինչդեռ որպէս գրական ստեղծագործություն՝ սա մեկ ամբողջական քայքայ է՝ իր գեղարվեստական ու տաղաչափական հատկանիշներով: Սակայն երկու դեպքում էլ գործ ունենք լեզվական միեւնույն միավորներով արտահայտված միեւնույն կապակցության հետ:

Նույն ձեւով էլ առածների ու դարձվածքների հարաբերությունն է: Լեզվական միեւնույն կապակցությունը՝ որպէս բանահյուսական ժանր, առած է, որը կարող է արտահայտված լինել լեզվական տարբեր միավորներով, որոնց թվում՝ նաեւ դարձվածքով: Այս մոտեցմամբ առածները ընկելիս առանձնանում է երեք խումբ. ա) *առածներ, որոնք կառուցվածքով լիովին համընկնում են մեկ դարձվածային միավորի, այսինքն՝ արտահայտված են մեկ դարձվածքով*. բ) *առածներ, որոնց մեջ գործածված է դարձվածային միավոր, սակայն առածն ամբողջությամբ չի համընկնում դարձվածքին*. գ) *առածներ, որոնք արտահայտված չեն դարձվածքով, եւ նրանց կազմում չկա դարձվածք*: Այսինքն՝ սրանք արտահայտված են լեզվական այլ միավորներով, օրինակ՝ բարդ նախադասությունով: Օրինակ՝ *Եզները կորչելուց հետո գոմը փակեցին, Պատերն աւկանջ ունեն* կապակցությունները, մեր կարծիքով, առածներ են, որոնք արտահայտված են դարձվածային միավորներով: *Աչքը ծակ մարդուն մի բուռ հողը կկշտացնի* կապակցությունն առած է, որի մէջ կա *աչքը ծակ* դարձվածային միավորը: Իսկ *Ուղտին ասացին՝ մեջքդ ծուռ է, ասաց. -Ի՞նչս է ուղիդ, որ մեջքս ուղիդ լինի* կապակցությունն առած է, որը ոչ ամբողջությամբ է դարձվածային միավորով արտահայտված, ոչ էլ նրա կազմում է դարձվածք գործածված:

Հետեւաբար կարծում ենք, որ ոչ թէ անհրաժեշտ է դարձվածքի եւ առածի միջեւ տարբերակիչ հատկանիշներ փնտրել, այլ առանձնացնել այն դարձվածքները, որոնք առածների արտահայտիչներ են, այսինքն՝ ծավալով համընկնում են առածին, եւ այն դարձվածքները, որոնք առածների արտահայտիչ չեն, օրինակ՝ *շունը շապիկ է հագել, կատուն՝ վարտիք* (այսինքն՝ սաստիկ խառնաշփոթությունն է) կապակցությունը դարձվածք է, բայց առած չէ, քանի որ չունի խրատական երանգ, որը առածների էական հատկանիշն է: Այդ դեպքում կհամեմատվեն եւ կուսումնասիրվեն միեւնույն մակարդակի միավորներ: Դրանք տարբերակելուց հետո էլ կուսումնասիրվեն դարձվածքներով արտահայտված առածները որպէս բանահյուսական ժանրի նմուշներ, ինչպէս որ ուսումնասիրվում են նաեւ ոչ դարձվածային միավորներով արտահայտված առածները:

Արտաշէս ՍԱՐԳՅԱՆ
Բանասիրական գիտ. թեկնածու, դոցենտ

ՀԱՅՏԱՐԱՐՈՒԹՅՈՒՆ

2016-2017 ուսարվա ընդունելություն Երուսաղեմի Ժառանգավորաց վարժարանում եւ Ընծայարանում

Երուսաղեմի Ժառանգավորաց վարժարան եւ Ընծայարան կարող են դիմել 15 տարին լրացած այն հայորդիները, որոնք ունեն թերի միջնակարգ, միջնակարգ եւ ավելի բարձր կրթություն:

Դիմորդները Երուսաղեմի Ժառանգավորաց վարժարան եւ Ընծայարան ընդունվելու համար հանձնում են ըննություն-հացագրույց հետեւյալ առարկաներից.

1. հայոց լեզու (գրավոր),
2. հայ գրականություն (գրավոր),
3. հայոց պատմություն (գրավոր),
4. երաժշտություն (երգեցողություն, երաժշտական ընդունակություն, ռիթմի զգացողություն):

Դիմումները եւ ներքոհիշյալ փաստաթղթերը ներկայացվում են Ժառանգավորաց վարժարանի եւ Ընծայարանի տեսչի անունով.

1. դիմում,
2. թերի միջնակարգ, միջնակարգ կամ ավելի բարձր կրթության վկայական,

3. Հայաստանյայց Առաքելական Եկեղեցու մկրտության վկայական,
4. ինքնակենսագրություն եւ 2 լուսանկար,
5. բնութագիր՝ եկեղեցու հոգեւոր հովվից կամ առաջնորդից,
6. բնութագիր՝ դպրոցի տնօրենից,
7. ծնողների համաձայնագիրը,
8. գինվորական կցագրման վկայական,
9. անձնագրի պատճենը:

Ուսանողի ճանապարհածախսը, սնունդը, հագուստը, բժշկական եւ ուսման ծախսերը ապահովում է Երուսաղեմի Հայոց Պատրիարքությունը:

Փաստաթղթերն անձամբ ներկայացնել Գեւորգյան հոգեւոր ճեմարանի քարտուղարություն:

Դիմումներն ընդունվում են ամեն օր, բացի կիրակիից, հունիսի 1-ից մինչեւ հուլիսի 30-ը՝ ժամը 10:00-16:00 (շաբաթ օրը՝ մինչեւ ժամը 13:00): Հեռ. (010) 517-180, (010) 517-181:

ԵՐԻԱՏՈՆՅԱ ՅԱՅԱՍՏԱՆ

Կրոնական, մշակութային, լրատվական երկշաբաթաթիթթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Զրիստոնյա Հայաստան» թերթի խմբագրություն

Գլխավոր խմբագիր՝

Աստղիկ Ստամբուլյան

Գրանցման վկայական՝ 624

Խմբագրության հասցեն՝

Մայր Աթոռ Սբ Էջմիածին

Հեռախոս՝ 517197

Էլ.փոստ՝ qristhay@etchmiadzin.am
astghikstam@gmail.com

web կայք՝

krishayas.wordpress.com

Ստոր. տպագր. 16.6.2016 թ.

Տպաքանակը՝ 2100

Գինը՝ 50 դրամ